

三藩紀事本末

國家圖書館, NATIONAL CENTRAL LIBRARY, TAIWAN, R.O.C.

板匡
(公分)

20.3x14.6

003494

| | |
|------------|-------------|
| 國立中央圖書館藏善本 | |
| 書碼: | 史部 紀事類 清之屬 |
| 書名: | 三藩紀事本末 |
| 著者: | 清楊蔭棠撰 四卷 二册 |
| 板本: | 朝鮮刻本 |

| |
|-------|
| 02014 |
| |
| 2册 |

聖

能討
闖成肆逆禍及君后明之子孫臣庶不

聖朝念萬古君臣之義不可以不正共怒
興師逆成西窺勝朝不共之仇藉而復
辱

真人出而大難平乾坤之位定矣有明諸
藩誠思復仇之大德痛餘氣之未除德

國家圖書館, NATIONAL CENTRAL LIBRARY, TAIWAN, R.O.C.

書

一聖

籍 威靈共剪殘孽迄乎眾人斯得籍
土來歸庶幾上順天心下從民願度德
量力計無踰此昔殷辛失德微子抱器
歸周夫子刑書不以微子之不正位弔
為罪而亟稱之曰仁當是時取殷之天
下者周也視
朝之取天下於闔而且為明之子孫臣

天

庶復不共之仇者彼此相銜判若天壤
乃微子可以歸周諸藩頌思僭弔自立
仁者固如是乎秦人失鹿楚人攫之與
楚人爭之可也與攫楚之人爭之不可
也何也義不可也且向也以全盛之天
下換之羣盜今也以破殘之疆土漸杭
朝天既獻明德尚思挺而走險豈惟遠

國家圖書館, NATIONAL CENTRAL LIBRARY, TAIWAN, R.O.C.

乎仁悖乎義云爾哉抑亦不智甚矣然猶藩之者何也曰不沒其寔正所以不予其僭也其寔藩也則明之祖宗未嘗以統授之也明之百姓未嘗以統歸之也上不以統授下不以統歸而妄干大統是僭而已矣僭竊之人王灋之所不容然則諸藩之隨起隨滅身膏斧鑕

夫亦其自取辱尔若夫擁立諸罪乎夫伊尹五就管仲一匡苟審負而為之君子且不以爲過不然則首陽餓夫不聞佐武庚以倡亂也審此而諸臣之爲功爲罪瞭若指掌矣西春多暇檢閱遺編凜夫命之莫干悼玉行之自絕因類次其事而書之卷首時

康熙五十六年歲次丁酉仲春下浣青
浦楊陸榮來南氏書

三藩紀事本末

凡例

一是編悉遵 本朝正朔各藩所僭位號不
以統年

一是編雖襍採劫灰浮海甲子江人事江難
也是遺聞編年 志等書然一以王大司
農奉 旨分編之史傳為正故與野史所
載微有異同

一論斷必具史才叙而不論以俟作者

一編中間有一二不見正史止據野史收入



閱者倘知其失實幸即賜教以便改正
一編中搜羅未廣倘有家藏善書或賜借觀
或賜函教以便增入

采南氏識

三藩紀事本末目錄

卷一

三藩僭號

四鎮

兩案

馬阮之奸

卷二

王師平南浙

王師平閩

金王叔江右



李成棟收粵東

魯藩據浙東

益藩擾湖東 附傳揭

卷三

楊劉萬殉賴

金王之亂

南征

何騰蛟殉楚

瞿式耜殉粵

孫李搆隙

孫李奔北

卷四

永明入緬

檄緬取王

蜀亂

鄭成功之亂

禱亂

三藩記事本末卷一

三藩僭號

福王名由松神宗孫福王常洵之子洛陽陷王避亂
南下次淮安值甲申三月國變南中府部等官會議
監國鳳督馬士英移書史可法及兵部侍郎呂大器
請奉福王可法大器以潞王稍有賢譽持未決而士
英密與操江誠意伯劉孔昭摠兵劉澤清高傑黃得
功劉良佐擁兵迎王於江上王至南京以內守備府
為行宮四日監國十五日僭即位稱明年為弘光元

青浦楊陸榮來南氏編



年

順治元年甲申五月王召史可法高弘圖馬士英八閣辦事姜日廣王鐸俱為大學士張慎言為吏部尚書

以總兵黃得功高傑劉澤清劉良佐分鎮淮上史可法開府揚州督其軍

六月命禮部鑄國璽以金代之

召劉宗周為都察院左都御史宗周疏論時事一言據形勝江左非偏安之業宜以親征之師東阨淮徐北控豫州西顧荆襄漸恢漸進一言重藩屏路振飛

坐守淮城久以家眷浮舟遠地劉澤清高傑亦有家口寄江南之說是二鎮一撫皆可斬也一言慎爵賞各即封賞孰應孰濫宜嚴加分別如左即以恢復而封高劉以敗逃而亦封將誰為不封者武臣既濫文臣隨之外廷既濫中璫隨之臣恐天下聞而解體也一言覈舊官燕京既陷有受偽官而逃者有在封守而逃者有在使命而逃者宜分別定罪又言賊兵入秦踰晉直逼京師大江以南二三督撫坐視君父之危亡未嘗遣一騎入援既而大行之凶問確矣督撫諸臣仍復安坐地方止圖定策之功未嘗肯移一步

治乎新朝既立自應立遣止伐之師而諸臣之計又
不出此紛々制作盡屬体面更難解者先帝升遐喪
詔距今月餘浙中尚未頒至近省如此遠省可知仰
惟陛下再發哀痛之詔立興問罪之師請自中外諸
臣之不職者始末幾宗周予告去

遣太監王肇基督催閩浙金花銀兩

肇基原
名坤

上崇禎帝諡曰思宗烈皇帝周皇后曰孝節皇后既
易思為毅

追尊建文君為惠宗讓皇帝景恭為代宗景皇帝復
懿文太子為興宗孝康皇帝尊皇考福恭王為恭皇

帝尋改孝皇帝立專廟

削溫體仁文忠諡允禮部尚書顧錫疇請也未幾錫
疇以請削溫諡奪職

釋高牆罪宗七十五案

予大學士文震孟諡文肅劉一璟諡文端賀逢聖諡
文忠禮部侍郎羅喻義諡文介蔭事姚希孟諡文毅
兵部尚書呂維祺諡忠節山西巡撫蔡懋德諡忠襄
隨州知州王燾諡忠愍懋德諡尋奪

吏科馬嘉植疏陳立國本事一改葬梓宮一迎養國
母一訪求東宮二五一祭告燕山陵寢

命總兵王之綱迎太妃於河南郭守義家洛陽之變太妃與妃各依人自活至是迎之隨諭工部於三日內搜括萬金以充賞賜

御史祁彪佳請禁革詔獄緝事廷杖三弊政時議復廠衛人心皇皇故彪佳言之戶科給事中吳适亦言先帝十七年憂勤曾無失德止有廠衛一節未免府怨臣民陛下試思先朝之何以失即知今日之何以得疏入俱不省

八月以逆茶原任光祿卿阮大鍼為兵部右侍郎未幾轉左於是太僕少卿楊維垣徐景濂給事中虞廷

陞郭如閻御史周昌晉陳以瑞徐復陽編修吳孔嘉叅政虞大復輩皆相繼起用

命錦衣都督馮可宗遣役緝事禮科給事中袁彭年言相傳文皇帝十八年始設東廠然不見正史嗣後一盛於成化西廠汪直踰年即罷再盛於正德逆瑾煽虐天下騷然三盛於天啓逆魏之禍幾危社稷頃先帝亦嘗任廠衛緝訪矣乃當世遂無不營而得之官中外自有不脛而走之賄廠衛之威衰闕世運之治亂不可不革疏入謫浙江按察司照磨
詔選宮女及內員廷臣交章諫不聽

九月予北京殉難諸臣謚大學士范景文文貞戶部尚書倪元璐文正左都御史李邦華文忠副都御史施邦曜忠介戎政侍郎王家彥忠端刑部侍郎孟兆祥忠貞大理寺卿凌義渠忠清太常寺卿吳璘徵忠節庶子周鳳翔文節諭德馬世奇文忠中允劉理順文正簡討汪偉文烈太僕寺寺丞申佳胤節愍給事中吳甘來忠節御史陳良謨恭愍陳純德恭節王章忠烈吏部員外許直忠節兵部主事成德忠毅金鉉忠節觀政進士孟章明節愍立祠賜名旌忠勲戚惠安伯張慶臻忠武襄城伯李國楨貞武新樂侯劉文

炳忠壯左都督劉文耀忠果駙馬都尉鞏永固貞愍太監王承恩王之心忠愍李鳳翔恭壯大同巡撫衛景瑗忠毅宣府巡撫朱之馮忠壯總兵吳襄忠壯周遇吉忠武補予大學士孫承宗文忠太常少卿鹿善

緒忠節

工部主事王鍾彥經歷施溥中書舍人宋天顯各予祭葬

開納貢助工例

十月朔命鑄弘光錢

以楊維垣為通政使維垣亟謀起官禮部尚書錢謙

益力薦之諫益東林領袖至是附和馬阮為天下所笑明年二月維垣進左副都御史

修興寧宮慈禧殿時廟門告災鳳陽祖陵一日三震而王荒酒漁色工費無度識者知其不堪旦夕矣

十一月補予大學士孔貞運謚文忠劄遼摠督吳阿衡忠毅簡討胡守恆文節

二年乙酉正月元旦日有食之

重刊要典楊維垣既任事追論三案力詆王之案楊漣等而為劉廷元霍維華等訟寃請重定欵案章下吏部尚書張捷力稱維華等忠請表章三案諸臣追

賜卹典贈蔭祭英謚全者霍維華劉廷元呂純如楊所修徐 徐景瀛等六人贈蔭祭英不予謚者徐

大化范濟世等二人贈祭英者徐揚先劉廷宣岳駿聲等三人復官不賜卹者王紹徽徐兆魁喬應甲等三人他若王德完黃克纘王永光章光岳許昂臣徐卿伯陸澄源等雖名不麗於逆案而為清論所不予者亦賜卹有差唐世濟楊兆升等復起用袁洪勳請追論焚要典諸臣罪寧南侯左良玉江督袁繼成皆言要典不必重頒不聽

二月禁宗室入京師

阮大鍼進本部尚書兼左副都御史仍閱江防

予吏部侍郎顧起元謚文莊都督劉源清謚武節

四月從逆光時亨周鍾武愷伏誅本兵張縉彥首從賊仍授原官總督河北山西河南軍務其他大僚降賊者賄入輒復原官

五月 大兵渡江王奔蕪湖十五日 大兵追至蕪

湖執王止去丙戌五月賜死

唐王名聿鍵端王碩燝孫父器璫先死聿鍵於崇禎五年嗣立後因率兵勦王擅離南陽錮高牆會救出南都勿守總兵鄭彩鄭鴻逵撤師回閩適王自河南

來因奉之至福州與福建巡撫張肯堂巡按御史吳春枝在籍禮部尚書黃道周南安伯鄭芝龍等會議立王監國鴻逵請正位不然無以歷衆心諸臣以監國名正侯出闕建號未達李長倩有急出闕緩正位示監國無富天下心一疏而擁立者艷推戴功不數日即定議僭即位於福州時順治乙酉閏六月十五日也改福州為天興府以布政司署為行宮大赦僭改元隆武

以張肯堂為吏部尚書李長倩為戶部尚書曹學佺為禮部尚書吳春枝為兵部尚書周應期為刑部尚

書鄭瑄為工部尚書八閩俱設巡撫

起蔣德璟黃景昉黃道周蘓觀生何楷陳洪謐林欽
楫朱繼祚黃鳴俊皆為太學士曾櫻何吾騶郭維經
葉廷桂以次至閩皆令八閩辦事閩臣至三十餘人
然不令票旨皆王親為之

封鄭芝龍為平鹵侯鄭鴻逵為定西侯鄭芝豹為登
濟伯鄭彩為永勝伯戰守機宜悉芝龍為政於是集
議戰守兵自仙霞關而外宜守者一百七十處計兵
十萬戰兵如之合閩浙兩粵之餉不足供兵食乃令
撫按以下捐俸助餉官助之外有神助紳助之外有

大戶助借徵錢糧大驚官爵王屢責芝龍出師於是
議兵一出浙東一出江西然每云餉乏終無一兵出
關也

改庶吉士為庶萃士

十月曾妃至妃警敏頗知書每群臣奏事妃於屏後
聽之共決進止王頗嚴憚焉

順治三年丙戌正月王以鄭鴻逵為大元帥出浙東
鄭彩為副元帥出江西既出關不行未幾稱餉絕而
還

命黃道周督師出江西道周憤鄭氏無出師意乃請

募兵江西王給空劄百函持一月糧以行道周出衛
州至婺源為我兵所擒死之

蔣德璟疏請行關遂告病去

二月王親征駐建寧楚撫何騰蛟江右楊廷麟皆有
疏來迎王欲往江右芝龍固請還師乃駐劔津

王子生大赦

六月鄭芝龍還安平八月王決計赴贛二十一日啓
行二十四日抵順昌大兵追及獲之俱會妃同斬
於汀州

永明王名由柳桂王常瀛少子神宗孫初封衡陽張

獻忠陷衡州桂王避於梧州乙酉王薨於梧丙戌唐
王死兩廣總督丁魁楚與廣西巡撫瞿式耜會議監
國閣學兵部尚書呂大器原任兵部尚書李永茂俱
至以丙戌十月十四日稱監國十一月僭改元永曆
以肇慶府署為行宮

以丁魁楚呂大器為大學士魁楚兼戎政大器兼中
樞未幾大器辭入蜀

追謚唐藩曰思文

以王肇基為司禮太監遂擅朝政於是戶部郎中周
昂瀚內批予給事中兵部侍郎王化澄內批予尚書

廷臣爭之不聽

李永茂去以疏薦劉湘客王肇基持之被斥故也
以朱治澗為兩廣總督守肇慶

順治四年丁亥二月以瞿式耜嚴起恒為東閣大學士

以錦衣指揮馬吉翔掌絲綸房事同票擬

三月進式耜文淵閣大學士兼吏兵兩部尚書守桂林

五年戊子四月王子生大赦

召舊輔何吾驥黃士俊為東閣大學士

七年庚寅二月下都御史素彭年少啓事劉湘客給事中丁時魁金堡蒙正發詔獄彭年以反正功免議堡與時魁並謫戍湘客正發贖配追賊時朝士各樹黨從李成棟至者素彭年曹擘耿獻忠洪天擢潘曾縉毛毓祥李綺自誇反正從廣西扈行者朱天麟嚴起恒王化澄晏清吳貞毓吳其雷洪士彭雷得復尹三聘許兆進張孝起自恃舊臣父之復分吳楚兩黨主兵者天麟孝起貞毓李用楫堵胤錫王化澄萬翱程源郭之奇皆內倚馬吉翔外結陳邦傳主楚者素彭年丁時魁蒙正發劉湘客金堡皆外結瞿式耜內

倚李元脩元脩成棟子也彭年等附之時蹄五虎於是互相攻詰無虛日王知群臣水火分盟於太廟然黨結益固不可解堡尤恃彊化澄吾驕相繼排去貞毓等欲排之而畏元脩不敢發是春王赴梧州元脩留肇慶邦傳率兵援廣州貞毓乃合御史程源等十四人共詰之

六年己丑冬十月封黔鎮史熊為匡國公 鎮王祥為忠國公防滇寇也

七年庚寅春正月王奔梧州留馬吉翔李元脩守肇慶

八年辛卯春二月孫可望遣賀九義

士巖起

恒追殺督師兵部尚書楊鼎和於崑崙關并殺給事中劉克珍吳霖張載述等並執閣學楊畏知以歸殺之

以吳貞毓為東閣大學士

九年壬辰二月孫可望遷王於安陸所改陸為隆升所為府後復改為安龍

十年癸巳二月王使林青陽於李定國約來迎也

十一年甲午三月孫可望遣鄭國王愛秀至安陸殺大學士吳貞毓及張鶴等十八人并議廢后后泣訴

於王乃止

十三年丙申孫可望自置內閣六部等官以文安之為東閣大學士安之走川東

李定國護王遷雲南

十六年己亥王入緬

十月從官請造庚子曆從之

十八年辛丑緬人執王歸於王師

四鎮

崇禎甲申封黃得功為靖南伯福王僭立進侯合駐儀真命總兵劉澤清為東平伯駐廬州總兵高傑為興平伯駐瓜州總兵劉良佐為廣昌伯駐臨淮大學士史可法開府揚州兼督其師得功榆林衛人素忠勇醉後運雙刀如飛每戰血漬手腕以水需之久乃得脫軍中呼黃鬪子建功河上與良玉先得封傑本闖賊部將竊自成妻邢氏來歸積功至總兵京城陷傑南走福王設鎮淮上諸將皆欲得揚州而傑先至楊民畏傑淫毒不納傑遂攻城掠婦女可法議以瓜

州予傑乃止九月移鎮徐泗而家屬寓揚得功故守
廬州可法慮傑難制乃移得功儀真相牽制傑死後
得功乃駐廬州也時東萊搃兵黃蜚將之任蜚與得
功稱兄弟得功聞其將至率騎三百迎之高郵傑起
得功圖已潛帥精卒伏道中得功至土橋方作食伏
起得功出不意舉鐵鞭走飛矢兩集馬踣騰他騎馳
有腕將舞樂直前取得功得功反圍挾其槩而扶之
復殺數十人聲咆哮如雷躍入頽垣中乃免所隨三
百人無一存者而儀真兵將皆被傑劫殺傷過半得
功大忿恨歸訴於朝願與傑決死戰可法命萬元吉

和斛之適得功值母喪可法命傑以千金為贖乃止
傑以得功事解感可法與謀恢復請調得功澤清赴
邳宿而自提兵趨歸開且瞰宛洛荆襄以為根本可
法壯之然揣知得功必不為傑後繼故不許仍駐儀
真傑復具疏言目今大勢守江以保江南人言
之然從曹軍渡則黃河無險自賴歸入則鳳泗可虞
猶曰有長江天塹在耳若何而據上游若何而防海
道豈止瓜儀浦采為江南門戶已耶伏乞和盤打算
定期速行中興大業庶有可觀隨發搃兵李朝雲赴
泗州叅將蔣應雄許占槐郭茂榮李玉赴徐州防守

八月可法巡淮安閱澤清軍隨具疏請餉為進取計
九月巡儀真閱得功軍十月聞自成敗還陝西傑即
率兵進可法赴清江浦遣官屯田開封為經略中原
本時諸將各分汛地自王家營至宿遷最衝要可
法自任之十月 王師致書可法以春秋之義有賊
不討則故君不得安奠新君不得即位今聞有僭立
江南者棄恩忘仇將謂長江天塹軍不能飛渡耶
夫以中華全力受制潢池而欲以江左一隅抗衡大
國勝負之數不待蓍龜矣諸君子果識時知命厚愛
賢王宜勸令削滌歸藩永綏福位可法答書言有賊

未討新君不得即位乃不忍死其君者之說耳若夫
天下共主身殉社稷青宮皇子慘變非常而拘牽不
卽位之說坐昧大一統之義中原鼎沸倉卒出師將
何以維繫人心弭召忠義紫陽綱目踵事春秋其間
如光武昭烈晉元宋高皆於國仇未報之日坐正位
號綱目未嘗斥為自立又言契丹和宋多輸金帛回
紇助唐不利土地况 貴國為念世好兵以義動今
賊未伏天誅捲土西秦方曷報復此不獨本朝不共
戴天之仇亦 貴國除惡未盡之慮伏祈台師進討
問罪秦中至於牛耳之盟本朝使臣久已盈道十一

月我兵八宿遷可法令劉肇基李棲鳳復之未幾
大兵圍邳州肇基援之相持半月而解十三日傑
至徐州遺書大軍約同滅閩賊大軍回言同滅
閩賊其事不合與予言且勸其棄暗投明擇主而事
我副將唐起龍父唐虞時亦致書於傑勸之早降有
大王小侯世世茅土之語傑並不從乃沿河築牆專
力備禦又具疏請以重兵駐歸治聯絡河南總兵許
定國以奠中原且以銀幣貽定國與結好時聞我豫
王將由孟縣過河河南撫鎮接踵告警傑遺書澤清
言彼軍若一越渡則長江迤邐盡為戰場事至此

令人應接不暇澤清以聞馬士英疏稱清兵雖屯河
北然賊勢尚張不無後慮豈遂投鞭問渡乎况疆弱
何常赤壁三萬泚水八千惟在諸將刻厲之而已時
陳洪範奉使燕都還亦言清兵萬分緊急士英惡
之曰有四鎮何慮大兵至夏鎮別由濟寧南下
一從雒陽海州圍邳州可法傑澤清各具疏告急
不應十二月大兵下邳宿可法飛章報聞不應乙
酉正月傑抵歸德約定國同事時定國駐睢有言其
送子渡河者傑遣人邀定國不至傑因邀巡撫趙其
傑巡按陳潛夫同赴睢定國郊迎其傑諷傑勿入城

勿聽十三日傑兵已盡發開封戍守且蹙定國去睢
是夜定國享傑傑醉微言及送子事定國大疑傑既
卧傳炮大呼衆擁傑至定國所殺之其傑潛夫遁明
日傑部回睢攻城老弱無孑遺定國來降於王師
傑為人淫毒楊民間其死皆相賀然是行也進取之
志甚銳故時有惜之者可法聞傑死急如徐州為請
卹於朝王贈傑太子太保許其子元爵世 蔭一
子錦衣百戶而以傑部李本身為左都督領傑兵提
督本鎮赴歸德本身傑甥也故使之浚亦來降於
王師得功聞傑死引兵襲揚州將盡殺其妻子以復

焉可法急遣同知申從直解之乃去可法尋歸揚州
三月 大兵八儀封破歸睢進逼江業直下徐賴四
月左良玉以清君側為辭提兵下九江急調得功良
佐禦之澤清亦托名勤王大掠而東可法連疏告警
王曰上游急則赴上游業兵急則赴業兵自是長策
可法曰 側之奸原不敢與君父為

難若業兵一至宗社可虞不審輔臣何意矇蔽若此
又移書士英士英惟以左兵為慮不應劉洪起亦奏
稱 清兵直下恐為南京憂總督王永吉亦言徐鎮
勢不能存何以保江此俱不應 大兵渡淮人情鼎

十九日召對群臣大理卿姚思孝尚寶卿李之椿等合詞請備淮揚工科給事中吳希哲亦言淮揚亟應備禦王謂士英良玉雖不該逼南京然省他本上原不曾反如今還該守淮楊士英厲聲曰此皆良玉死黨為遊說不可聽寧可君臣同死於清不可死於左良玉手有異議者斬王嘿然二十日大兵屯班竹圍柵兵李棲鳳監軍副事高岐鳳欲劫可法出降可法叱之二人遂拔營來歸二十四日大兵薄城下時諸將惟肇基自白洋河以兵四千至請乘清兵未集背城一戰可法不可而止可法血疏告急不

報劉澤清通款我朝我朝惡其反覆磔誅之二十五日大兵攻城砲發城墻敵樓頃刻崩陷城破可法自刎不死叅將某擁之出小東門遂被執諭降不從殺之肇基率所部巷戰一軍盡歿副將乙邦才馬應魁莊子固樓挺江雲龍李預副旗鼓叅將陶國祚內左營叅將許謹內右營叅將馮國用前營叅將陳光玉李隆徐純仁遊擊李大忠孫國忠都司姚懷龍解學曾等皆戰死兵部職方主事何剛入城南一日而城破投井死原任兵部尚書張伯鯨被數創死妻楊氏子婦郝氏從之時得功破左兵於銅陵叔

軍屯蕪湖五月八日 大兵抵江潁京口水師總兵
鄭鴻逵鄭彩及僉事楊文驄等督兵守江我軍用大
礮擊江南軍每砲發江水湧激高數丈二鄭即先遁
文驄亦逃八日昧爽煙霧蔽江乃縛芻置木械上順
流下 京口兵而 大軍潛從龍潭竹塹渡十日
士英猶有長江天塹之對十一日 大兵薄都城士
英奉王母妃率先遁城中無一卒禦敵者王荒宴至
夜半乃奔蕪湖都城破勳臣自趙之龍 國祚文臣
自王鐸錢謙益以下文武數百負軍士二十二萬俱
迎降吏部尚書張捷刑部尚書高倬死之庶僚同死

者則有楊維垣黃端伯劉成治雜流諸生殉難者則
有陳於偕吳可箕黃金璽陳士達六合則有諸生馬
純仁抱石投水死如臯則有布衣許德溥刺字於背
曰不愧本朝又刺字於臂曰生為明人死為明鬼遂
被逮殺之邳州則有監生王台輔自縊死王至得功
軍得功驚泣曰王死守都城各鎮尚可合兵以曷興
復奈何聽奸臣言先出乎 大兵追王十五日及於
蕪湖得功戰於荻港時良佐已降於我即陣上拈得
功得功叱之降將張天祿從良佐後射得功中喉偏
左得功知不可為擲刀捨所拔箭刺喉以死其妻聞

之亦自經也。搃兵翁之祺投江死。中軍田雄挾王出降。

兩案

順治二年乙酉二月鴻臚寺少卿高夢箕密奏先帝太子在浙初甲申之變太監梁宗周王之俊以太子二王獻於李賊賊幽之劉宗敏所至是南來左良玉疏稱吳三桂實有明驗今不可攷三月初一日命太監李繼周往浙召至寓僧舍令內貲迎入宮內貲報不實尋命移寓錦衣衛都督馮可宗家傳文武官識認大學士王鐸指原任講官方拱乾問曰此何人對曰方先生而講官劉正宗趨上不識也又問先帝親鞫吳昌時、東宮在何地不能對於是給事中戴英

直詰其偽授以紙筆供稱高陽人王之明係駙馬都尉王昺姪孫家破南奔遇高夢箕家人穆虎教以詐冒東宮王鐸等回奏遂勅法司根究御史陳以瑞奏愚民觀聽易惑將謂諸臣有意傾先帝血消請勿加刑時有內員上密疏於王王令持示士英士英言細閱密疏其言雖似疑處實多既為東宮幸脫虎口不卽到官說明却走紹興可疑一也東宮厚質凝重此人機辨百出可疑二也公主現養周奎家而云已死可疑三也臣愚宜付法司窮究主使與臣民共見而棄之越三日鞠於午門外夢箕穆虎皆具服下刑獄

士英欲并傾姜黃令法司究主使附逆者寧南侯左良玉具疏言東宮之來具三桂實有明驗朝廷諸臣但知逢君不顧大體前者李賊逆亂尚錫王封何至一家視同仇敵明知窮究必無別情必欲展轉誅求遂使陛下忘屋烏之德臣下絕妻喪之義親而仁民願陛下省之靖南侯黃得功言東宮之來何人定為奸偽先帝之子卽陛下之子未有不明不白付之刑獄人臣之義謂何在廷諸臣諂徇者多抗顏者少卽使明白識認誰敢出頭取禍乎廣昌伯劉良佐言王之明童氏兩案未協輿論懇求曲全兩朝彞倫母

貽天下後世口實湖撫何騰蛟言太子到南何人妄
聞何人物色取召至京馬士英何以獨知其偽既是
王昺姪孫何人舉發內官公侯多此來之人何無一
人確認而泛云自供高夢箕前後兩疏何不發批此
事闕天下萬世是非何可不慎江督袁繼咸言太子
移氣移體必非外間兒童所能假裝王昺原係巨族
高陽未聞屠害豈無父兄群從何以隻身流轉到南
望陛下勿信偏辭使一人免向隅之法則宇宙享蕩
平之福矣各疏上王惟以王之明自供甚明將審明
節畧諭之而已四月左良玉稱奉太子密旨舉兵南

下至九江江督袁繼咸請赦太子以止之王切責不
聽五月十一日王師薄南都王奔南都士民出太
子於獄奉之監國十四日同趙之龍出降北去
順治二年乙酉三月十三日福王故妃童氏自越其
傑所至命付錦衣衛監侯氏故周府宮人洛陽破氏
進至尉氏縣與王過於旅邸相依生一子王之南也
妃與太妃各散不相顧已迎太妃於河南陳潛夫奏
妃故在王勿召至是自其傑所至王益不悅劉良佐
言童氏必非假冒馬士英亦言苟非至情所關誰敢
與陛下為敵體王終不應命馮可宗鞠之氏細書入

官年月及相離情事甚悉求可宗呈覽王乘勿視可
宗亦辭勿審改命屈尚忠嚴刑拷掠氏號呼詛罵尋
死獄中

馬阮之奸

順治元年甲申五月福王僭立於江南進馬士英東
閣大學士仍督師鳳陽士英大怒陰令劉澤清高傑
疏趨史可法督師淮揚可法出土英遂入閣兼掌兵
部事

八月中旨傳陞張有譽為戶部尚書時欲起用阮大
鍼故先以清聖傳陞有譽

吏部尚書張慎言罷士英慮慎言秉銓大鍼終不能
起乃令劉孔昭湯國祚趙之龍等攻去之

馬士英奏薦逆案阮大鍼以知兵賜冠帶陞見初大

鉞被斥居江寧與士英及守備大監韓贊周深相結
福王僭立贊周屢稱大鉞才王固已心識之及士英
以邊才薦遂命陞見高弘圖請下九卿會議士英曰
會議則大鉞必不得用弘圖曰臣非阻大鉞舊制京
堂必會議姜曰廣亦如弘圖言士英遂言魏忠賢之
逆非閩賊可比弘圖曰廣於已所愛者即日先帝無
成心於已所惡者即曰成案不可翻歟因莫甚於是
於是劉宗周言祖宗故事九列大僚必用廷推郭維
經言崇成先帝之手今將此案抹殺起用大鉞赫々
英靈恐有餘恫羅萬象言輔臣薦用大鉞或以愧世

無知兵者然大鉞實未知兵唐兆恒言先帝異變而
姓莫不洒血椎骨近聞燕齊之間士紳皆白衣冠聚
兵以圖復仇一旦忽翻前案召用大鉞豈不上傷在
天之靈下短忠義之氣呂大器熊汝霖萬元吉陳良
弼王孫蕃左光先尹民興等各疏力爭於是士英為
大鉞奏辦力攻曰廣大器等月餘遂以中旨授兵部
添註右侍郎

湖廣巡按御史黃澍入賀面糾士英奸貪不法且言
常受獻贓偽兵部尚書周文江賄罪當斬承天守備
太監何志孔復前助澍士英跪乞處分澍直前奉笏

擊其背士英佯稱疾而陰賂內閣田成張執中等言
王非士英不得立今逐之是背舊恩也且士英在閣
主上可以優閒士英若去誰復有念主上者王遂諭
留士英澍連上十疏稱自古未有奸臣在朝而將帥
能立功於外者又言自魏璫竊窺神器以來實釀今
禍附逆之人與薦逆之人皆有賊心乞懸諸日月以

王不聽諭澍還楚

十月以逆案楊維垣為通政使

鎮國中尉侯汝吏部朱統鏞疏糾姜曰廣詞連史可
法呂大器等禮科給事中袁彭年疏言中尉有奏請

先啓親王叅詳可否然後給批賞奏若候考吏部則
與外吏等應從通政司封進今何徑何竇直達御前
宜加禁緝通政使劉士楨言曰廣勁骨顛性守正不
阿居鄉立朝皆有公論統鏞何人不由職司飛章越
奏此真奸險之尤豈可容於聖世皆不聽先是呂大
器詰奏士英賣官鬻爵敗法亂紀諸罪而曰廣事之
與士英為忤故士英授意詰之大器予告去曰廣降
調而換授統鏞為行人

內批予封疆失事太監孫呈榜原官章正宸疏爭不
聽

御史初彪佳論詔獄廷杖緝事三大弊票擬革禁發
改高弘圖言擬票發改不審內廷何人主持使正論
不容若此王切責弘圖尋予告去

內傳以張捷為吏部尚書

例轉科道陸朗為僉事黃耳昂為副使內批留用
加翼戴恩進士英太子太師蔭錦衣衛指揮僉使九
月叙江止功加少傅兼太子太師建極殿大學士十
二月以南臨恩進少師明年二月叙殿工恩進太保
罷浙江巡撫黃鳴俊降調浙江巡按任天成以許都
餘黨復叛故也并議前任巡按左光先罪光先係光

斗第與大鍼世仇又首劾士英大鍼故借事陷之蘇
松巡撫祁彪佳言許都之變實發於東陽義烏浦江
皆無堅城光先事竣出境聞變復還調兵措餉宵夜
經營變起不一月元兇授首既不錄其功豈可反以
激發罪之乎於是士英大鍼并恨彪佳遂喉御史張
孫振論其奸貪罷之

起越其傑巡撫東萊其傑以貪遣戍以士英妹婿起
用

召降獻賊劉僑至京補原官僑以玉杯古玩進張獻
忠即用為錦衣都督左良玉恢斬黃僑削髮逃去士

英納僑賄遂復原官

士英請免府州縣童生應試分上中下戶納銀若干
卽赴院試又行納貢助工等例於是民間有掃盡江
南金填塞馬家口之謠

布衣何光顯上疏請誅士英詔戮於市籍其家

以楚宗朱盛濃為池州府推官盛濃疏劾御史黃澍
毀制辱宗貪賍激變故士英擢之立命逮澍江督袁
繼成代為申理乃止澍匿左良玉軍中良玉由是有
隙

二年乙酉二月以阮大鍼為兵部尚書賜蟒服大鍼

雖長兵部專職江防軍事一切不問引所善蔡琛唐
世濟張孫振袁弘勳等布列要路撓六部權任劉應
賓文選濁亂銓政擢私人林有本王錫衮等二十餘
人為給事御史江督袁繼成薦鄧林奇為總兵大鍼
索賂既足始給勅印白丁隸役賄至立躋大帥時有
職方賤如狗御督滿街走之謠

賜中書舍人林翹一品武銜翹善星術決士英必大
用士英薦授中書舍人尋躡一品武御蟒服趨事
以被勘杭州府推官黃端伯為禮部主事端伯入京
稱姜日廣逆謀有狀故有是擢

以楊維垣為左副都御史大鉞得志專務報復與維垣謀盡殺東林復社諸人時有狂僧大慧出語不類為總督京營戎政趙之龍所獲下詔獄大鉞因與維垣及張孫振謀令引諸人擁潞王則一網可盡因造十八羅漢五十三參之目海內人望無不備列納之大慧袖中大獄將興會上游告急而止

倉場尚書賀世壽僉都御史郭維經告病去大鉞密遣人劫之江中

殺禮部主事周鏗原任武惠道雷縉祚鏗鍾從兄以附東林而縉祚與大鉞有隙於從逆案内奏二人

宜連坐遂殺之

四月初一日命各衙門印文盡去南京二字禮部管紹寧印被竊謀於士英因請於王各衙門俱改鑄另給

初四日寧南侯左良玉舉兵東下馳疏云竊見逆賊馬士英出自苗種性本凶頑臣身在行間無日不聞其罪狀無人不恨其奸邪先帝皇太子至京道路洶傳陛下屢發矜慈士英以真為假必欲置之於死而後快臣前兩疏望陛下從容審處猶冀士英夜氣稍存亦當剔腸悔過以存先帝一錢不意奸謀日甚一

日臣自此不與奸賊共天日矣臣已提師在途將士裂目指髮人、思食其肉臣恐百萬之衆發而難收震驚宮闕且聲其罪狀正告陛下仰祈剛斷與天下共棄之自先帝之喪人、誦法士英利災擅權事、與先帝為難欽集先帝手定者士英首翻之要典先帝手焚者士英修復之思宗改謚明示先帝不足思以絕天下報仇雪恥之心罪不容於死者一也國家提衡文武全恃名器鼓舞人心自賊臣竊柄以來賣官鬻爵殆無虛日都門有職方賤如狗都督滿街走之謠如越其傑以貪罪遣戍不一年而立陞巡撫張

孫振以脏污絞犯不數月而黃緣僕少素洪勳與張道濬皆詔獄論罪者也借起廢竟復原官如楊文聰劉泌王燧黃昇趙書辨等或行同犬彘或罪等叛逆皆用之於當路凡此之類直以千計罪不容於死者二也閣臣司票擬故事歸六部至於兵柄尤不得兼握士英已為首輔猶復掌樞是弁髦太祖法度且又引其腹心阮大鍼為添設尚書以濟其篡逆之謀兩子梟獍各操重兵以為呼應司馬昭復見於今日罪不容於死者三也陛下選立中宮典禮攸闕士英居為奇貨先擇其尤者以充下陳罪通於天而又私買

歌女寄養阮大鍼家希圖進選計亂中宮陰謀叵測
罪不容於死者四也陛下卽位之初恭儉神明士英
百計誑惑進優童艷女損傷威德每對人言惡則歸
君罪不容於死者五也國家遭此大難須寬仁慈愛
以收人心士英自引用阮大鍼以來睚眦殺人如雷
續祚周鑣等煅煉周內株連蔓引尤其甚者借題三
案深埋陷穽將生平不快意之人一網打盡令天下
士民重足解體罪不容於死者六也九重秘密豈臣
子所敢言士英遍布私人凡陛下一言一動無不窺
視又募死士竄伏皇城詭名禁軍以觀陛下動靜曰

廢立由我罪不容於死者七也率土碎心痛號者先
帝殉難皇子猶存前此定王之事海內至今傳疑未
已况今皇太子授受分明臣前疏已悉士英乃與阮
大鍼一手握定不畏天道神明不畏二祖列宗不畏
天下公議不畏萬古綱常忍以先帝已立七年之嗣
君為四海謳歌訟獄所歸者付之幽囚天昏地慘神
人共憤凡有血氣皆欲寸磔士英大鍼等以謝先帝
此非臣之私言諸將士之言也非獨臣標將士之言
天下忠臣義士愚夫愚婦之公言也伏乞陛下立將
士英等肆諸市朝傳首四方用抒公憤臣等未兵計

刻以待不禁大聲疾呼激切以聞士英大懼專理部
事不入直左兵由九江安慶至建德順流而下士英
遣朱大典阮大鍼黃得功劉孔昭等禦之而撤劉良
佐等以從時 大兵已過山東徇徐州下亳泗史可
法血疏告急大理少卿姚思孝御史喬可聘成友謙
等皆云良玉非叛請無撤江上兵十九日王諭士英
左良玉雖不該興兵逼南京然看他本上原不曾反
叛如今還該守淮揚不可撤防江兵士英厲聲指諸
臣言此皆良玉死黨為遊說其言不可聽寧可君臣
同死於清不可死於左良玉手有異議者斬王嘿然

未幾良玉死左夢庚敗於采石論功晉大鍼太子大
保

五月 王師渡江圍江寧王奔蕪湖士英以黔兵與
大鍼奉太妃走浙江兵至廣德州知州趙景和言彼
不奉王而奉太妃詐也閉門拒守士英攻破之殺景
和至紹興紹人猶未知王存亡原任九江僉事王思
任因上疏言戰鬪之氣必發於忠憤之心忠憤之心
必發於廉恥之念事至今日人之無恥在之不憤矣
所以然者南都定位以來從不曾真之實之講求報
雪也主上寬仁有餘剛斷不足心感奸相馬士英爰

立之功將天下大計盡行交付而士英公竊大阿肆
無忌憚窺上之微而有以中之上嗜飲則進醪醪上
悅色則獻妖淫上喜音則進優鮑上好玩則奉古董
以為君逸臣勞而以壘場擔子一肩卸與史可法又
心忌其成功而決不照應之每一出朝招募無賴賈
官鬻爵攫盡金錢四方狐狗輩願出其門下者得一
望見費至而金得一登簿費至千金以至文選職方
乘機打劫巡撫總督見克即題其餘編頭修脚服錦
橫行者不在話下矣所以然者士英獨掌朝綱手握
樞柄知利而不知害知存而不知亡朝廷篤信之以

至於此也茲事急矣政本閣臣可以走乎兵部尚書
可以逃乎不戰不守而身擁重兵口稱護太后之駕
則聖駕獨不當護耶一味欺蒙滿口謊說英雄所以
解體豪傑所以灰心也及今猶可號呼泣召之際太
后宜速趨上照臨出政斲酒絕色卧薪嘗膽立斬士
英之頭傳示各省以為悞國欺君之戒仍下哀痛罪
己之詔以昭悔悟則四方之人心猶可復鼓又上書
士英言閣下故本自由兵權獨握只知酒色逢君門
牆固黨從不講戰守之備以致乘輿播遷謀國至此
卽喙長三尺何以自解以愚上計莫若明水一盃自

劍以謝天下若仍逍遙湖上潦倒烟霧效賈似道之
故轍千古笑齒已經冷絕再不然如伯鈺渡江則我
越乃報仇雪恥之邦非蕞坵納汙之地職當先赴胥
濤乞素車白馬以拒閣下至杭州鮑汝霖責士英當
從王士英無以應杭州破士英走錢塘 王師追躡
之斬其五百級

魯王監國紹興張國維首叅士英悞國十大罪士英
懼不敢入朝而依方國安於嚴州時大猷投朱大典
於金華士民檄逐之乃亦送於國安軍未幾 王師
復敗士英兵於餘姚國安兵於富陽已士英率衆渡


江窺杭州復大敗

三年丙戌六月 王師渡錢塘江士英國安計劫魯
王來獻王脫去阮大鍼同謝三賓宋之晉蘓壯等來
降

唐王僭立於福州士英擁兵求入閩王以其罪大不
許

八月 王師討湖賊吳易并獲士英 詔俱斬之而
野史則云士英遁至台州來降於 王師已 大兵
執唐王於順昌搜龍扛得士英大鍼及方國安父子
方遶年請駕出闕為內應疏在已降後大鍼方遊山

自投崖死仍戮屍斬士英等四人於延平城下妻子
給賜兵丁



三藩紀事本末卷二

王師平南浙

青浦楊陸榮采南氏編

順治二年乙酉五月二十日 王師抵鎮江知府某
推官某母徒令某俱死之巡撫霍達遁徇常州蕪州
下之蕪州在籍諭德徐汧舉人楊廷樞携一女俱赴
水死而野史則云廷樞留髮遁居芝塢至丁亥始被
執書血衣以遺其孤有惜時命之不猶未登朝而食
祿值中原之多難遂蒙禍以捐生其年則丁亥之歲
其日為孟夏之終方隱遁夫山塢忽罹陷於羅網雖

云突如其來亦已知之矣生平所學至此方為快然千古為昭到底終為不沒但因報國無能懷忠未展是人臣未竟之志辜屢朝所授之恩等語復賦絕命詩十二章已見士巴二帥不順命十二月斬於松陵之泗州橋上太倉既下諸生王湛與兄淳復舉兵圍城兵敗淳赴水死湛沒於陣六月我貝勒留兵二千駐兵閭大軍悉趨杭州掠嘉興而過時潞王常滂在杭撫按請命奉書迎降錢塘知縣顧咸建臨安知縣唐自綵俱被執不順命死而嘉興士紳屠象美等復集兵據城守 大兵還攻半月而破在籍吏部尚

書徐石麒死焉閏六月八日 我兵入吳淞時吳淞副總兵吳志葵煽惑作亂 王師偵知遂令偏將率兵二千人據之七月初四日屠嘉定縣在籍通政使侯峒曾死之峒曾集眾守城 大兵攻之不能下大雨城壞遂入之峒曾先驅二子元演元潔沈後河乃赴水死邑人進士黃淳耀與弟淵耀對縊於城西僧舍舉人張錫眷自經死妾何抱女赴水死秀水教諭董用圓與兄用廣赴水死諸生馬元調唐全昂夏雲蛟俱死之全昂妻亦從死七月初七日屠崑山崑丞關茂才遣使迎降崑民殺茂才推原任狼山副總兵

王佐才為主貢生朱集璜及周室瑜陶琰陳大任等
共起兵據城叅將陳弼勛原任知縣楊永言助之
大兵至詭稱神武新詔至城門啓兵遂入永言道佐
才被執殺集璜同門人孫道民張謙投河死室瑜與
子朝鑛同死室瑜妻諸被執不辱死朝鑛妻王自縊
死琰自縊死大任與妻張子翰皆死之時以守禦
死者蘇達道汪萬程陸世鎰陸雲將歸之甲周復培
陸彥冲代父死者沈徵憲朱國軾救母死者徐治自
盡者徐激王在中吳行貞八月初三日屠松江府兵
部職方主事章簡行人李待問死之先是在籍兩廣

總督沈猶龍與義兵頭目蔡喬據城守初三日大
兵下青浦謀至猶龍猶未信日酉哺我兵詭稱黃
蜚解奸細至門啓遂入時城中已伏內應兵乍入城
上悉改張大清旗幟簡待問俱被執不順命死猶
龍出奔蔡喬遁入海華亭教諭睦明未投縲死御史
夏允彝諸生戴弘赴水死徐念祖與妻張妾子女七
人闔門自縊死允彝兄之旭子完淳後洪吳兆勝之
難之旭自縊完淳被殺先是黃蜚兵多以青白布纏
其首大兵效之潛於城中至是去布悉解髮者初
六日襲破黃蜚吳志葵水師蜚投水死志葵乞降不

許殺之參志葵軍事嘉興舉人傅凝之投水死二十
日破金山衛守城指揮使侯承祖及子士祿死之松
城破總鎮李成棟以書招承祖不應厲志堅守卽妻
子亦不令出城避難二十日 大兵薄城城上天石
兩下兵不得乘 大兵以竹梯援城上守城兵士用
防牌蔽矢隨登隨斫既而西北備稍弛乃以小舟壘
城下蟻附而登城遂破承祖及二子俱被執長子士
祿大罵不順命義射死成棟欲降承祖承祖不從戮
之成棟稱承祖為江南第一忠臣特宥其少子令殮
父屍歸葬破江陰屠之先是六月中諸生許用倡城

守應者數萬人以陳明遇主兵徽人邵康公為將前
都司周瑞龍泊江口相犄角戰不利乃請故典史閻
應元入城主兵事 王師圍攻堅守不下八月二十
一日從祥符寺後城入乃下用明遇舉家自焚死應
元赴水或出斬之訓導馮厚收冠帶自縊於明倫堂
婦與妻王赴井死中書舍人戚勳舉人夏維新諸生
王華呂九韶皆死之城死者數萬人時有貢生王
毓祺者與徐趨起兵行塘以應城內城陷兩人俱送
去明年冬偵江陰無備率壯士十四人襲之不克趨
被執論死毓祺又逸去獲於江寧臨刑命取襲衣自

歛跌坐而逝十一月十三日破崇明先是九月中成
棟督兵渡海攻崇明不克引還至是八之初 我兵
之下杭州也 王師散遣官吏招撫浙東郡縣其先
後失事死者杭州在籍同知王道焜投環死山陰在
籍蘓松巡撫祁彪佳赴池水死在籍左都御史鄭宗
周不食死行人陸培自縊死海寧舉人祝淵投環死
會稽諸生王毓蕃先遺宗周壽云願先生早自決無
為王災午所吊隨自投柳橋河死儒士潘集袖石自
沈死周卜年赴海死明晨海濤湧尸上冠履不失山
陰周瑞授江死原任大學士高弘圖流寓紹興城外

不食死而二年乙酉閏六月起兵江北徽州者則有
左僉都御史金聲聲聞南都陷集義於徽之績溪分
兵扼六嶺在籍山東巡撫寧國立祖德職方郎中涇
縣尹民興徽州推官溫璜貴池副榜吳應箕等多應
之唐王授聲以僉都兼兵侍總督諸道軍拔旌德寧
國諸縣九月御史黃澍完髮來歸聲信之遂為內應
城破聲與門人江天一同就執行至某所天一笑謂
聲曰一泓清絕洵足怡人意欲聲同盡此也聲曰丈
夫死則死耳當與天下共見之至江寧內院洪承疇
諭降天一朗誦懷宗御祭承疇文以誚之遂被戮聲

亦隨見殺時丙戌三月十五日也應箕亦被獲見殺
祖德退還山中 大兵攻拔其寨磔死諸生麻三衛
沈壽堯吳太平阮恒阮善長劉昇甲胡天球馮百家
及祖德子某俱死之橫猶嚴兵守郡城城紳黃澍以
城獻橫先殺長女語妻茅同難茅匿其幼子遂整衣
卧橫以刀截其喉少頃茅呼曰未也再月乃絕橫自
刎不殊絕粒五日以手扶其劍乃死祖德之死也有
徐淮者其吳漢超收其潰軍連破句容溧水高郵溧
陽溧太平諸縣三年丙戌正月襲寧國兵敗漢超入
見曰首事者我也剖其腹胆長三寸妻戚投樓下死

同時舉兵先後被難者有青陽知縣龐昌胤溧陽諸
生謝球鹽城諸生司石磐都司鄭某之屬

王師平閩

順治二年乙酉五月 我朝使內院洪承疇招撫江
南御史黃熙脩招撫福建熙脩晉江人與鄭芝龍同
里芝龍密遣使通款我朝 朝唐王每遣芝龍出兵芝
龍每以餉缺為辭三年丙戌六月 王師平浙東芝
龍聞渡江信遂撤守閩兵 王師至仙霞嶺閩門無
一守兵無一敵兵寂如也逢回數日縱容過嶺然我
兵入閩或由建或由汀或由福寧俱走山谷間不必
仙霞也八月 大兵入建寧至浦城科臣黃大鵬上
游四郡巡撫鄭為虹死之為虹僕陳龍從為原任浦

城千戶張萬明及子都司張翹鸞都督洪祖烈俱死
之為虹故浦城知縣王聞其賢召為御史士民相率
乞留乃令以御史巡視仙霞關尋擢巡撫 大兵至
為虹坐還浦城衆士民出走遂與大鵬同被執以死
初王之在福州也知芝龍不可恃而楚撫何騰蛟江
右楊廷麟咸有既迎芝龍違安平王遂赴贛八月二
十一日啓行楚延平趨汀州 王師尾之破延平知
府王士和死之士和崇禎時舉人王擢之守延平警
報疊至士和曰我以書生不一月奉二千石安敢偷
生遂投環死禮部尚書曹學佺通政使馬思理自縊

死御營提兵胡上琛護王知汀王被執上琛奔還福
州拜辭祖廟與妾劉同飲藥死給事中熊緯扈行至
汀死於兵其後聞王被難而死者太僕寺少卿王瑞
楫自縊死御史芝南英溢於僧舍我貝勒駐福州別
遣李成棟韓固山徇各州郡九月八日入泉州大學
士蔣德璟絕食死十五日下汀州十九日下漳州閩
地悉平惟芝龍屯安平以前通款之信未回猶豫未
敢迎師又自以先撤閩兵無一矢相遺有大功而兩
廣素屬部下若招以自効兩廣提督可得貝勒令泉
紳郭必昌招之芝龍恐以三藩為罪會韓固山兵逼

安東芝龍怒貝勒乃切責固山令移軍而貽書芝龍
曰我所以重將軍者以能立唐藩也人臣事君必竭
其力力盡不勝天則投明而事建不世之功此際傑
事也今兩粵未平鑄閩粵總督印以相待芝龍得書
大悅子弟皆力諫芝龍不從進降表於泉州十一月
芝龍至福州見貝勒握手甚懽痛飲三日夜遂挾芝
龍去芝龍子成功入於海初唐王之立也以黃道
周為武英殿大學士與芝龍不協道周見芝龍無出
師意憤激請督師出江西乙酉七月廣一月糧從廣
信抵衢州募兵得九千人十一月進至婺源遇 王

師戰敗被獲夫人蔡氏聞之急貽書道周言忠臣有
國無家勿以內顧為念丙戌三月至江寧洪承疇遣
人諭降道周不從命乃斬之與道周同事者職方主
事趙士超通判毛玉潔蔡春溶毛錕謹俱死之士超
死尤烈道周既死門人陸自巖匿其元并全身瘞之
越數年夫人蔡氏令長子霓迎喪東歸葬於於贈公
之側士超等四人葬於道周之側

金玉叔江西

順治乙酉四月英王追闖賊至九江寧南侯左良玉子夢庚舉所部三十六營來降王業旋獲降將俱業惟後營總兵金聲桓請於王願收江西省自效王許之乃命闖部降將王體忠合營屯潯規進取六月聲桓先遣裨將撫江西巡撫曠昭故逆懦率先遁士民送款聲桓十九日聲桓入南昌南康九江不煩兵而下而舊撫標將白之裔鄧武恭駐袁吉以兵扼挾江湖東分巡道王養正與布政夏萬亨建昌知府王域推官劉允浩南昌推官史夏隆輔益藩起兵建昌軍報

旁午聲桓令前營 一鵬禦峽江屬體忠備撫建七月體忠率兵下撫州趨建昌時有保寧王者自河南來好募兵益藩倚信之而私通於體忠及戰保寧從陣後以火箭傷象兵遂敗三日城破益藩被執殺詳具益藩擾湖東王養正等五人俱被執械至南昌殺之養正妻張氏絕粒九日死萬亨妻顧氏子婦陸氏一孫一孫女同赴井死夏隆自南昌來避與其難者也諸生鄧思銘被執不屈義射死屬縣皆降新昌舊知縣譚夢用迎降為縣民所殺知縣李翔其監軍張家玉御史徐伯昂共城守家玉戰敗入閩城破翔與

伯昂死之而一鵬亦被峽江兵武卷死之攻袁州同知署府事李時與力成守守將胡漢兵潰時與自縊於萍鄉官舍遂叔吉安長驅至萬安萬安知縣梁於淡死之八月二十五日聲桓矯殺體忠以忠部將王得仁代而是時益宗永寧王慈炎復舉兵克撫建屯兵進賢縣既以糧不繼退守撫州聲桓令得仁率兵來爭時吏部文選司主事曾亨應者家臨汝初同益藩起兵益藩敗復捐貲聚眾歸永寧得仁夜率百騎潛至臨汝圍亨應宅執亨應殺之亨應從叔祀從弟之律之球之倚子筠俱死焉初亨應舉事時自斷爪

嚙血裹面瘞之子筠亦時語人曰我一門已登鬼錄
父子立志徇國如此永寧守撫州糧不繼乃退保建
昌得仁追及被獲死焉三月破寧州監軍許文龍死
之文龍起兵寧州聲桓遣人招之不從率兵逐我所
置官吏屯兵奉鄉聲桓乘間破寧州遂攻奉鄉圍守
三月糧盡乃走保界首皆食復盡被擒死之是月也
吉安復失職方主事郭銳死之先是乙酉九月劉同
升結忠誠社於贛州與李永茂恢復吉安丙戌春
王師來爭副將劉必達戰敗赴水死會廣東援兵至
大兵退駐峽江至是克之四月破廣信巡撫周定

仍副使胡奇偉兵部侍郎詹兆恒御史胡夢葵兵部
員外萬文英同知胡甲桂貴溪舉人畢貞士俱死之
初黃道周提兵出江西命詹兆恒以兵侍協守廣信
御史胡夢葵拜疏請出湖東後遂擢右僉都巡撫其
地文英奇偉俱奉命協守甲桂以永州同知道梗改
授而夢葵則以郡人奉使旋里者也得仁破安仁貴
溪定仍督副總姜天衢戰連湖我兵少却已戰小
箬渡及河口遂大捷城破定仍自縊死文英赴水死
妾胡從之奇偉被執殺於南昌衛前甲桂自經於幽
室貞士先赴水家人救之行至五里橋坐拜祖塋觸

橋柱死夢恭夫婦同縊死兆恒奔懷玉山復糾眾攻
衝之開化兵敗歿於陣江西悉平惟贛州未下

李成棟平粵東

順治三年丙戌 大兵既平閩十二月我巡撫佟養
甲搃兵李成棟由閩趨惠潮下之潛踣襲廣州先是
十一月唐藩第聿鐸浮海至廣閩中舊相蘇觀生何
吾駒與布政使顧元鏡侍郎王道華曾道唯奉王監
國僭改元紹武召海上鄭石馬徐四姓盜為搃兵時
永明已自立於肇慶使給事中彭燿主事陳嘉謨至
廣曉譬倫序監國先後觀生殺燿於市嘉謨亦死之
觀生遂率兵而西職方主事陳邦彥自廣至肇見永
明王王以東事為問邦彥曰彼疆我弱以戰則非計

彼曲我直以和則非名也師已迫觀生若懼當求和於我如其不然粵東十郡我據其七而使其三代我受敵不亦可乎已而廵撫林佳昇與廣州將陳際泰戰於三水際泰敗與林察戰於海佳昇故粵中監司與察同姓相善察因使四姓盜偽降迎佳昇佳昇信之舟至三山全軍俱沒佳昇赴水死

大震而廣州失

成棟襲之用惠潮符印

書貽廣州報平安

不設備十五日成棟令

軍效廣軍裝

城下是日觀生方隨聿錫視學

或報大兵臨城觀生猶以為海上盜也叱而斬之

大兵入東門觀生始倉卒召兵不能集城遂破聿

錫投繯死周益遠等二十四王皆及於難祭酒梁朝

鍾自刎死太僕卿霍子衡與妾莫氏子應蘭應荃應

芷子婦梁氏徐氏區氏同赴井死時有梁蓋者妄人

也觀生每才之用為吏科給事中至是觀生走問計

蓋曰死爾復何言觀生入西房蓋入東房抗吭氣湧

有聲觀生以為蓋死矣乃自縊明日蓋獻觀生死來

降吾駙應華元鏡等俱來降二十三日成棟別遣兵

徇南韶而親下肇慶二十五日報至肇慶王上西峽

四年丁亥正月奔梧州走平樂成棟入肇慶別遣副

將楊大福張月徇高雷廉三府而自率兵趨梧州二十九日一鼓入之巡撫曹 階王走桂林時南韶二府亦報捷乃別遣副將取瓊州時丁魁楚在岑溪成棟使杜永和襲而殺之藤江遂下平樂高雷廉俱報捷廉州推官張孝起謀興復兵敗妻妾俱赴海死孝起羈軍中復成棟叛擢孝起巡撫其地成棟敗後廉州復失孝起死之四月之瓊州方警報之疊至也王震恐適武岡鎮劉承僧兵至全州王遂奔全而以瞿式耜守桂林 大兵薄桂林式耜與總兵焦璉力城守承僧奉王赴武岡以三千人援桂乏餉潰歸桂林

垂破會給事中陳邦彥在高明聞桂林圍急乃走說甘竹灘盜魁余龍乘虛襲廣州巡撫 飛檄召成棟於桂林揚言順道徑取甘竹龍 惡歸而桂圍亦解於是邦彥起兵高明陳子壯起兵九江邨霍師連起兵花山張家玉起兵東莞粵東大擾詳見未幾織家玉於龍門戕邦彥師連於清遠破子壯於高明粵地復定

魯藩據浙東

順治二年乙酉六月原任山西僉事鄭之尹之子遵
謙殺我招撫使於江上與張國維方逢年等迎立魯
王以海於台州在籍大學士朱大典亦上表勸進即
日移駐紹興國維逢年大典俱拜大學士封方國安
荆國公守嚴州張鵬翼永豈伯守衢州遵謙義興伯
王之仁武寧伯國維督師江上子世鳳為平鹵將軍
七月復富陽八月復於潛十月王師至固安國維
率王國斌趙天祥禦之戰於草橋門天大風雨火砲
弓矢不得發悉收兵故不甚敗會唐王自立於閩中

領詔至諸求富貴者爭欲應之魯王下令返台國維
馳疏閩中言國當大變凡為高皇子孫臣庶所宜同
心并力共圖興復成功之後入國者王且監國當人
心渙散之日鳩集為勞一旦南拜正朔鞭長不及悔
莫可追疏上乃止然浙閩自是水火矣自草橋門敗
後諸將無敢復言戰者王之仁上疏言事起日人之
有直取黃龍之志乃一敗後遂欲以錢塘為鴻溝天
下事尚何忍言臣願帥所部沈船一戰今日欲死猶
戰而死他日即死不能戰也三年丙戌三月一日
我兵開堰入江國維之仁統水師襲戰是日東南

風大起之仁揚帆奮擊國維遂同諸軍渡江圍杭州
不克而還四月我員勒屯兵岬岸以江涸可試馬用
大炮擊南營方國安軍所竈皆碎國安曰此天奪我
食也遂欲投閩五月二十七日拔營走紹越王南行
二十八日江上各營聞報俱潰走遵謙入海國維振
旅追扈六月一日大軍畢渡江禮部尚書余煌衣
冠赴水死國安決計獻監國來降遣人守監國會守
者病監國得脫登海航命國維遣防四邑而後奉二
十五日大兵八義烏或勸國維入山國維曰恨天
下事者文山疊山也赴池水死兵部侍郎陳函輝自

經死禮部侍郎王愬任不食死大理寺少卿陳潛夫
妻孟氏妾孟氏夫妻姊妹聯袂沈河死兵部主事葉
汝衡妻王氏同赴水死兵部主事高岱絕食死子諸
生朗赴水死通政使吳從魯不雉髮死鄭之尹赴水
死諸暨諸生傅日炯山陰諸生朱滂赴水死蕭山諸
生楊雪門自縊死鄞縣諸生趙景麟赴洋池死浦江
諸生張君正自縊死瑞安諸生鄒欽克永嘉諸生鄒
之琦赴水死 我兵 金華朱大典厲兵固守 我
兵以紅衣大砲破之大典閣門自焚死西席武進鄭
邠亦與其難張鵬翼守衢州副將秦應科為我內應

城破鵬翼及樂安王楚王晉平王皆被殺巡按無視
學政王景亮知府任經正推官鄧巖忠皆自縊死江
山則知縣方召死為餘皆望風迎附兩浙悉平方國
安方遯年雉髮來降八日誅 延平城下王南奔至
石浦定西侯張名振護王航海至舟山舟山守將王
斌卿不納王浮海至廈門鄭芝龍已降於我乃走南
澳四年丁亥王命鄭彩王大振阮進張名進等共討
殺斌卿時閩中舊相張肯堂以私財募兵海上王貽
書肯堂云將業遷舟山約肯堂共事五年戊子大學
士劉中藻恢福寧州與平夷侯周崔芝相犄角連復

領詔至諸求富貴者爭欲應之魯王下令返台國維
馳疏閩中言國當大變凡為高皇子孫臣庶所宜同
心并力共圖興復成功之後入關者王且監國當人
心渙散之日鳩集為勞一旦南拜正朔鞭長不及悔
莫可追疏上乃止然浙閩自是水火矣自草橋門敗
後諸將無敢復言戰者王之仁上疏言事起日人之
有直取黃龍之志乃一敗後遂欲以錢塘為鴻溝天
下事尚何忍言臣願帥所部沈船一戰今日欲死猶
戰而死他日即死恐不能戰也三年丙戌三月一日
我兵開堰入江國維之仁統水師襲戰是日東南

風大起之仁揚帆奮擊國維遂同諸軍渡江圍杭州
不克而還四月我員勒屯兵岬岸以江涸可試馬用
大炮擊南營方國安軍厨竈皆碎國安曰此天奪我
食也遂欲投閩五月二十七日拔營走紹越王南行
二十八日江上各營聞報俱潰走遵謙入海國維振
旅追扈六月一日大軍畢渡江禮部尚書余煌衣
冠赴水死國安決計獻監國來降遣人守監國會守
者病監國得脫登海航命國維遣防四邑而後奉二
十五日大兵八義烏或勸國維入山國維曰恨天
下事者文山疊山也赴池水死兵部侍郎陳函輝自

經死禮部侍郎王惠任不食死大理寺少卿陳潛夫
妻孟氏妾孟氏夫妻姊妹聯袂沈河死兵部主事葉
汝衡妻王氏同赴水死兵部主事高岱絕食死子諸
生朗赴水死通政使吳從魯不雉髮死鄭之尹赴水
死諸暨諸生傅日炯山陰諸生朱常赴水死蕭山諸
生楊雪門自縊死鄞縣諸生趙景麟赴洋池死浦江
諸生張君正自縊死瑞安諸生鄒欽克永嘉諸生鄒
之琦赴水死 我兵 金華朱大典厲兵固守 我
兵以紅衣大砲破之大典閤門自焚死西席武進鄭
邠亦與其難張鵬翼守衢州副將秦應科為我內應

城破鵬翼及樂安王楚王晉平王皆被殺巡按無視
學政王景亮知府任經正推官鄧巖忠皆自縊死江
山則知縣方召死為餘皆望風迎附兩浙悉平方國
安方進年雉髮來降八日誅 延平城下王南奔至
石浦定西侯張名振護王航海至舟山舟山守將王
斌卿不納王浮海至廈門鄭芝龍已降於我乃走南
澳四年丁亥王命鄭彩王大振阮進張名進等共討
殺斌卿時閩中舊相張肯堂以私財募兵海上王貽
書肯堂云將業遷舟山約肯堂共事五年戊子大學
士劉中藻恢福寧州與平夷侯周崔芝相犄角連復

建寧邵武興化三府及漳浦海澄等二十七縣軍聲
頗振溫台響應六年己丑王遷舟山以張肯堂為東
閣大學士八年辛卯王師破福寧卅中添設兵部
右侍郎林翥員外郎林塗歿於陣閩中雨復州縣
相繼俱失福安破大學士劉中藻衣冠坐堂上為文
自祭服金屑死興化破大學士朱繼祚叅政湯芬給
事中林崧知縣都廷諫死之海澄破知縣洪有文死
之永福破邑人給事中鄔正畿御史林逢經投水死
長樂破邑人御史王恩及服毒死妻李氏同難建寧
破守將王祈自焚死台州破督餉知縣沈履祥被獲

見殺王師遂逼舟山王復航海令肯堂城守城破
肯堂南向坐令四妾一子婦一女孫先死乃自經同
死者兵部尚書李向中禮部尚書吳鍾巖吏部侍郎
朱永祐安洋將軍劉世勳左都督張名揚通政使鄭
遵儉兵科給事中董志寧兵部郎中朱養時戶部主
事林瑛江用楫禮部主事董元兵部主事朱萬年顧
珍臨山衛李開國工部主事顧宗克中書舍人蘓兆
人工部所正戴仲明定西侯叅謀顧明楫諸生林世
英錦衣指揮王朝相太監劉朝王航海之明年兵部
侍郎沈廷揚督舟師北上福山被獲死之向中被執

我師呵之曰聘不至捕而至何也向中對曰向則辭官今就死爾 大兵至寧波鍾繼渡海入昌國衛之文廟抱孔子木主積薪左廡自焚死永祐被執請為僧不許殺之名揚名振第抱母范自焚朝相聞城破護王妃陳氏貴嬪張氏義陽王妃杜氏入井以巨石覆之自刎其劬聞國之母瑛及明楫之妻皆自盡十一年甲午鄭成功奉王居金門初至禮待甚恭既蓋懈王積不能平成功却之未幾王將往南澳成功使人沈之海中

益藩擾湖東

附傳揭

益王名由本封建昌兩都繼沒郡紳勸王舉兵郡儀賓諸生鄧思銘

臣子宗社傾危豈容坐視

因首建庫兵之議以贍財者助餉負才者參謀有勇者出戰王大感動然年少柔仁不習武事乃悉以戰守機宜委郡藩永寧王慈炎及羅川王其 之於是羅川王與東鄉艾命新艾南英謀因以書約諸紳士同仇共義募集劉琦楊獨龍僧丹竹等三十六人就南英家挿血誓盟得義勇七八千人王謝二紳各捐貲助餉兵勢稍振時順治二年乙酉六月也時有保

寧王者自河南來好談兵王倚信之而保寧私與我將王體忠通約為內應王不知也雲南紹兵趙印送以象兵赴援南都不及而反踏出建昌王留之助戰戰初合保寧從陣後以火箭傷象兵師遂潰王奔旗塘佛舍已歸唐王於福州福州破被執見殺永寧走寧都遂入粵招蕭崗兵圖興復先一日蕭崗夢紅日臨其門翌日而永寧至以為吉徵遂與同事提兵出湖東復建昌乘勝拔撫州及進賢縣先是永寧之走寧都也羅川與艾命新拔撫州不能守退師許灣招集貴東安仁兵近二萬永寧復撫建羅川率

兵來台約分道進恢江省會粵兵與羅川兵爭合羅川亟出止之流矢中其喉而卒永寧以糧餉不繼乘進賢守撫州我將王得仁率兵圍之糧復匱將使保建昌為得仁追獲死焉

甲申之變原任福寧州知州揭重熙同副總兵洪日升起兵勤王至南京授吏部考功司主事以艱歸順治三年乙酉南京破江省亦入版籍重熙復招集鄉勇徐組綬萬民望王宏等起兵湖東會益藩兵起重熙走謁請恙臨省會事不果我將王體忠圍建昌重熙提兵來援戰於許灣而敗吏部主事王兆熊劾之

既以曾櫻薦唐王復授重熙改功負外兼兵科給事中從傳冠辦湖東兵事又令原任翰林院檢討傅昂銓以原官兼兵科給事中統義師由秦寧出關召募瀘溪告急冠不能救重熙劾冠去兵事專委重熙永寧既敗重熙復趨福州統諸將進克金谿復撫州有衆十萬捷聞授右僉都御史代劉廣備巡撫湖東以諸將進止不協退保瀘溪與我兵戰於銅浦隘師姑嶺及高田孔坊俱捷三年丙戌八月福州不守昇銓往寧都借兵於田海忠不應因集鄉勇復宜黃駐兵於樂安重熙聞王師入關提兵援福州聞王赴

贛州陪道趨贛為我兵掩擊大潰急收散卒還攻撫州破之而中軍洪深亦沒於陣兵士僅存千人乃退次王洞間行至安東貴諸砦令聯絡以待而身為日者裝入南昌以覘虛實五年戊子金聲桓以南昌叛首迎重熙昂銓而兩人殊不欲駐省請任閩事我譚固山圍南昌重熙赴粵未援昇銓兼督兩軍與張自盛合營援南昌敗於三江口重熙至肇慶永明拜重熙兵部尚書兼右副都御史總督江西兵未及歸而南昌破召廷台募殫遇我兵戰於程鄉大敗監軍桂泓陣歿重熙身中三矢僅免金玉死其故將

張自威洪國玉等聞重熙奉新命出湖東爭來歸兵
大集駐寧都石城間而昇銓被內召不願往請再舉
終江事重熙亦疏留乃拜兵部右侍郎兼翰林院侍
讀學士昂銓隨令監軍陳化龍馳檄浙東有徐孝伯
者引軍來會同駐徐博七年庚寅重熙以張自威駐
閩赴其軍約廣信曹大錫並進甫入閩界我兵圍
之數重重熙分部諸將戰數合佯北引我兵入伏
中前後夾擊大捷遂徇諸郡邑皆下之進至撫州幾
獲我師八年辛卯昇銓至廣信張村為我守將所執
江撫夏一諤喻之使降不應令以書招重熙不可八

月五日見殺搜其笥先置木主書死年而空其月日
自威掠紹武戰敗被執重熙乃率數十人赴大錫於
百丈際適大錫還軍鉛重熙至惟空營我兵偵
得率衆圍之射重熙中頂執至建寧日虜死十一月
三日戮於南街市口未幾曹大錫亦敗都昌督師余
應柱亦以是歲亡江西之兵遂盡應柱者都昌人萬
曆己未進士嘗為御史疏劾周延儒有直聲累官兵
部侍郎金王之亂起兵都昌率舟師援會城敗於落
星湖已復傾貲募衆而南昌已平我潯帥楊捷以步
騎奄至城下被執及子諸生顯臨中軍帥師俱死之

UNIVERSITY MICROFILMS INTERNATIONAL

11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

三藩紀事本末卷三

青浦楊陸榮采南氏編

楊劉萬殉難

崇禎甲申闖賊破京師。西在籍翰林院修撰劉同升聞變痛哭幾絕。檄告江西十三郡紳士舉義復仇。縞素別丘壟而出。至南昌遇職方主事楊廷麟大集紳士於澹臺祠為懷宗發喪。有吉誓師進發。福王立授同升左中允。廷麟左庶子。俱辭不拜。唐王立於福州。擢同升小詹事。兵部侍郎。總理江西。而廷麟以東閣大學士召廷麟。以國破君亡偷安海甸為非計。辭。

不拜與贛撫李永茂及同升共舉義旗會粵東有八
衛兵三千過贛即疏留之立忠誠社於贛州招致四
方之士於是王其宥其寤劉明保彭口趣等各率家
丁自贖糧入社立功者幾二萬人廷麟乃大享士於
城西率兵收萬安抵恭和復吉安全郡乃奉表迎唐
王赴贛 順治二年乙酉十一月李永茂以憂歸而萬
元吉以總制七省至贛與同升廷麟同心規畫時永
寧王已復撫建約同下省而同升已病未幾湖東告
潰十二月同升卒於雩都事以不果初元吉佐楊嗣
昌史可法兩閣部軍與江西總兵金聲桓素善聲桓

收江右以書幣招元吉元吉辭以各行其志聲桓勿
逆也至是元吉主撫金以恢省因移書聲桓聲桓頗
心動而未決三年丙戌三月吉安守將胡長蔭違元
吉節制為我將柯永盛所敗吉安復失元吉走皂口
欲赴水永豐令林全春亟持之乃還保贛州 我兵
尾之拔萬安遂圍贛聲桓聲問遂絕給事中楊文薦
者奉命往湖南過贛見事急願留共城守元吉賴之
先是正月廷麟招降峒寇得四萬人所謂四營者也
張安者四營之一驍勇善戰賜名龍武新軍元吉倚
之而蔑視雲南廣東諸軍諸軍解體五月江西巡撫

劉遠生督張琮來援戰於梅林而敗龍武新軍亦敗於梅林於是援兵皆不敢前元吉苦將不用命且出掠為民患乃謀鍊土著更番出戰頗有斬獲我兵移下沙然元吉御兵士嚴刑威不少假貸故兵士不樂為之用賴園父王賜即名忠誠加元吉兵部尚書文薦僉都御史六月李永茂遣副將吳之蕃以廣東兵五千至七月吏兵兩部尚書郭維經奉命總理江西湖廣軍事與御史姚奇偕沿途募兵得八千人至雲南援將趙印遮胡一青率兵三千至大學士蘓觀生遣兵亦如之兩廣總督丁魁楚亦遣兵四千至

軍聲頻振諸軍皆欲戰而元吉欲俟水軍至共擊是時中書舍人袁從謬募砂兵三千吏部主事龔茶兵部主事黎遂球募水軍四千皆屯南安不敢下兵部制且今水涸舟行為難豈能如約不聽八月大軍聞水師將至即令兵士夜截諸江焚巨舟八十明受遁於是諸營皆散去元吉第六吉調廣西狼兵八千至南安亦不戰潰已聞唐王被難汀洲全城氣索十月天霧雨雪我兵乘夜上城城破元吉率士巷戰奪門出至東關歎曰大事去矣投貢江而死廷麟死

於清水塘我將賈熊歎為忠臣以四扇門為棺瘞之
東門之外維經典奇僧同縊於嵯峨寺湖西兵備僉
事加太常卿彭期生衣冠自縊職方主事周瑚被獲
磔死通判王明汲編修兼兵科給事中萬發祥吏部
主事龔荼戶部主事林琦兵部主事王其宏同第其
隆黎遂球柳昂霄曾嗣宗錢謙亨中書舍人袁從諤
劉孟錡劉應試推官署府事吳國 監紀通判郭寧
登訓導徐君昂都督僉事劉天駟臨江推官胡禎贛
縣知縣林逢春皆被戮邑人河南同知盧觀象盡驅
男婦入池乃自沈死馬平知縣謝讚與子肖繡姪肖

斗衣冠自縊舉人劉曰佺同母妻子侄第婦同日自
盡薦授萬州判官月世光携幼孫同盧觀象赴池死
世襲贛衛千戶孫經州同第縉世絃世閻門自焚死
監紀軍務聶邦晟同子士煥士煥妻劉閻門死貢生
楊萬言同妻子赴池水死庠生郭其昌同妻范蕪泣
三日死董纘卿同子麒兆正宸正朝俱死之謝明登
同妻羅子佛生赴池死馮復京同妻張對縊死余學
義母周先自縊學義同妻鍾子婦立二孫赴水死陽
麗天同妻赴清水塘死金之杰巷斃殺數人携妻赴
水死王統王純縊於文廟周葵陳君猷積薪自焚死

鄉約謝明登同妻楊赴井死雩都訓導胡董明被執
見殺寧都會詞宗楊燧俱自經死書工趙廷瑞赴水
死織人熊國本赴義忠誠社至是被執賴令舉人也
北之曰爾織人何知義國本曰織人不知義舉人顧
當為不義即引出斬之叅將陳烈其弟降於我烈奮
勇疾鬪至是被執其弟勸之降不從乃殺之其以流
寓同難者廣東提學道符邇中同兄述中新俞進士
萬發祥廬陵庠生段之渾新喻庠生蕭瑛

金王之亂

金聲桓字虎夫遼東衛籍 王師平遼東全家被俘
獨聲桓逃走入關王得仁關部裨將驍勇善戰軍中
所稱王禰毛者也聲桓性沈猜善持两端以軍功累
官總兵都督同知隸左良玉後軍 順治二年乙酉五
月左夢庚率之來降命與閩部降將王體忠合營規
取江右未幾聲桓矯殺體忠以得仁代之江右既平
聲桓自以為不世功旦夕望候及收江疏還僅授副
摠兵而得仁銜不列得報氣沮招撫孫之獬至南昌
聲桓所置將吏漸有更易江撫李鳳翔緒之益加裁

制聲桓心快。聲桓常師事雜楊僧德宗。德宗每奇聲桓。嘗拊聲桓背曰：勉旃。二十年，江右福力變，紅頭蟲此其候也。及是，果著紅纓，建牙江省，益尊信之。德宗每為聲桓言，勸其改面。南昌胡以寧在聲桓幕中，言如德宗指，胡澹、陳大生等各緣以迎合。聲桓又覘知得仁所居，故宜春王第。每後堂張宴，自著明衣冠，令優伶演郭子儀、韓世忠故事。諸客聞之，益心動。先是，福州之破，仕閩者或有空頭，敕劄持歸。至是因緣間露，且言唐王尚在。二帥聞之，益自喜，且負江撫李鳳翔死章於天代之遇，諸將益倨，索賄無厭。足一日

宴於藩署，席地鋪氈，文吏皆坐氈，而聲桓得仁、顏坐氈外。得仁有忿色於天，嘻笑，顏視曰：王把搖欲反耶？宴歸，二帥恥甚。四年丁亥七月，得仁提兵往建昌。於天又遣人索賂，累億。得仁怒，裂眦大有惡言。八月，歸自建昌，勸聲桓速奉事，而聲桓以前遠東被俘，妻子留京未歸。又胡以寧新亡，遣人往湖南覘知何騰蛟為我兵所敗，遲疑未發。巡按董學成至，有以二家陰事告者，學成揚言欲奏聞，而陰索得仁賂，並其侍兒。得仁恐以侍兒予之，則居家狀泄，有驗，堅不肯予。時幕中諸客詭言唐王在五子寨，二帥即遣客往探。

唐王實耗客即假唐王命封聲桓為鎮江公得仁為
維新侯二帥大喜過望五年戊子正月章于天忽率
數騎出瑞州捕掠諸富室或告得仁曰此非為索賄
賂也前聞有滿騎數千不知所往或徑往贛州約同
贛撫會議而後發發則領搖公等得仁大懼適聲桓
妻子遠自燕聲桓乃召胡澹等八議遣人以書約山
東河南並發得仁提兵出建昌合揭楊諸部然後舉
議既定或說得仁曰聲桓疑而多詐脫中幾而公願
居外且奈何不若坐據省會仗鉞投袂為必不可過
之勢脅聲桓聲桓不敢不從但貴神速耳得仁大喜

立傳令部勒全營杜七門圍守董學成官署時正月
二十六日夜漏下三十刻矣翌日癸亥七門不啓得
仁躬擐甲往縛學成赴聲桓署白狀聲桓蒲伏問故
得仁曰詔云然何敢後也聲桓唯唯得仁即前為聲
桓割髮以聲桓令箭傳示諸協悉去髮出示安民稱
隆武四年即日殺學成及副使成大業軍民戴滿
帽者輒射之城中委乘纓笠積如山阜得仁遣將擒
章于天於江中聲桓首迎在籍閣臣姜曰廣入省諸
金第族皆為都督得仁婦弟黃天雷為兵部侍郎聲
桓幕客黃人龍為總督二人各開幕門如市初聲桓

誅體忠後謀嘗與得仁合及是各自為功所樹吏舉分東西府嫌隙始開二月朔得仁提兵下九江胡澹說得仁宜乘破竹之勢疾趨建業下流猝無備必舉建業舉則充豫響應率兵而北中原可傳檄定也而聲桓聞 輒召得仁遠得仁以澹謀告聲桓眾皆主之獨黃人龍不可曰贛州居省上流文武督在焉宜先定贛不然且擬我後聲桓從之立議取贛聲桓得仁偕行而以宋奎光守南昌兵圍贛州城固不可克聲桓乃令得仁往殺章貢上下而自引兵踰嶺恢雄韶時南中願永曆年號至乃遂稱永曆四年聲桓遺

書廣督李成棟共興復成棟遂叛拜表粵東迎永明王驅肇慶王因實封聲桓為昌國公得仁為新喻侯師留贛且老省內虛四月 大兵入湖口五月朔破九江偽守將吳高道二月下南康偽守將白之裔潰七日千騎至石頭猶不意為 我兵也見紅纓白帳始色駭明日鐵騎滿西山矣我國山譚泰先從東入破饒州饒州偽將潘永禧遁 王師尾之至南昌而今偏將自潯入搜麥源青嵐諸道薄西山故未下營血刃已數百里 大兵圍南昌聲桓元成功約降於我奎光謀知殺之得仁部將貢鰲聲桓部將楚國佐

以其軍叛奎光追及復殺之。大兵攻得勝門城壞，數處奎光囊土塞之，得不破，旋出神鎗火筒焚我攻具。我兵少，却報至賴聲桓，得仁大懼，撤兵急回賴。師掩擊，亡其大半。十九日，聲桓偽先鋒劉一鵬與我戰，獲大炮三，得仁繼至，聞前捷，即氣揚甚，不鞅馬而馳，中伏，大敗於七里街。即氣索甚，盡撤城外屯兵入壁，金部偽將郭天才爭之，不得，自扎黃泥洲為犄角。天才所統盡川卒，精銳無敵，先提偏師入圍，不克歸。我兵已圍南昌矣。天才三戰三捷，我兵頗憚之。宋奎光單騎渡江，按行地利，請移兵二隊一駐生朱。

渡一駐市汜，以達餉路。天才請大舉逐，我兵皆不聽，專主堅壁。我兵雖勝，每慮得仁襲之，軍中常夜驚。王禕毛來也，久之見城中終無出兵意，乃用鎖鑰法，東自王家渡，屬灌城西，自鷄籠山，屬生米渡，掘壕載版，起土城，自是內外耗絕。設南昌令於白茶市，新建令於蛟溪，徵役索賦，安坐而制其斃。得仁自亡軍後，不復親督陣，方娶武都司女為媵，室繡旆，親迎，金鼓喧譟，我瞭者望而大駭，莫疑為王禕毛娶婦也。十月，郭天才亦撥軍入城，已城中糧盡，人相食，乃大出居民，兩帥情實盡為我得，我因得以餘暇，旁收郡縣。

西南逐偏守張啓祥西北降偽寧將鄧雲龍東南破
傳昂銓之援師也戕余應柱於都昂劉斯棟於梓溪
東叔徐光程西破丁家塘土寨聲桓聞之惟嘆惜悼
恨而已十有二月我師再乘城山東人全時鳴令
以鐵網籠之鐵鉤曳而傷之損傷過當六年己丑正
月聲桓部將湯執中守進賢門其偏裨某約束降譚
固山因以寡陣佯攻得勝門炮聲聞三百里兩師齊
師赴焉而奇兵已從進賢門梯而上城遂陷聲桓赴
池水死得仁陣獲磔死宋奎光劉一鵬郭天才皆被
執不順命死姜日廣赴僕家池死得仁突得勝門三

出三人與譚固山馬首再相值譚不知其為得仁得
仁亦不知其為譚也初聲桓之主堅壁也以待廣師
之援而吳尊周所草乞師表文但陳勝狀而不告恚
既聞江事危急乃遣李赤心由表吉李成棟出南雄
會南昌赤心逗留不進成棟敗死信豐遂以不救

王師南征

順治四年丁亥三月我大清命定南王孔有德靖南王耿仲明平南王尚可喜等率兵下湖南定興仙何騰蛟與總兵郝永忠退保衡州張先壁走寶慶

湖北巡撫堵胤錫走永定衛王有才

馬進忠等走五溪山中五月大兵抵衡州永忠業總兵黃朝宣等被擒騰蛟退保永州從者惟滇將趙印選胡一青等數人八月大兵破武岡常德寶慶盡失總兵劉涓敗績降永明王走靖州由蠻道以達柳州土司覃鳴珂守道龍友明勅攻遂陷柳

卅矢及王舟中王走象州時 大兵已定 南永州亦破騰蛟與永忠盧昂俱入桂林與留守瞿式耜議分地給諸將俾自為守式耜督魚璉復陽朔及平樂陳邦傳復潯州合兵復梧州粵西尚稱全土王回桂林五年戊子二月 大兵入粵西永忠潰於興安返入桂林大掠三月 大兵至桂北門垂破聞金聲桓反於江西乃退入楚五月騰蛟復全州六月成棟以粵東叛歸於王王封成棟忠國公聲桓豫國公一云昌國公王得仁終養甲杜永和等侯伯有差成棟子元簡為錦衣指揮使王返肇慶騰蛟復督師出湖南

由永入衡簡錫亦以忠貞營自常德趨湘潭十月成棟犯贛州先是江西悉反惟贛州為我將高進庫所守聲桓攻之不克乞師粵東成棟援之戰不利退屯南康縣六年己丑正月 大兵破南昌烏金玉下湘潭執騰蛟二月成棟敗於信豐騎而渡河馬蹶墮水死事聞以杜永和為兩廣總督駐廣州代成棟羅成耀守南雄 大兵由湘潭薄衡州簡錫敗衡永俱不守十二月我平南王及嗣靖南王耿精茂下廣東羅成耀遁南雄不守七年庚寅正月十四日下韶州王聞廣瀾失守奔梧州留馬吉翔李元簡守肇慶二月

大兵圍廣州調潯帥陳邦傳及忠貞營高必正東
援邦傳故與元侑有隙意在修怨又憾必正等之屢
擾其境也陰令副將姚春登等連結土司會李來亨
等調兵上司遂相仇殺必正怒而歸忠貞營者成孽
餘黨肖錫所招撫者也時散處賓橫間故邦傳惡其
擾時李赤心已死故必正領其營邦傳駐清遠馬吉
翔駐三水俱不敢進以城守又進永和爵為侯元侑
弟建捷力戰有功封安肅伯廣州城三面臨水成棟
在時復築兩翼附於城外為砲臺水環其下 大兵
攻圍十閱月不下永和偏將范承恩為內應決砲臺

之水 大軍藉薪竟渡遂得砲臺十二月二日城破

永和由海道奔瓊州建捷奪圍至肇慶邦傳潰於三

水而我定南王亦已入全州五日破桂林

詳見武邦
莊殉趙

傳聞桂林破遣兵邀劫從官於藤江殺部帥潘駿觀

許王鳳等王限踰奔南寧胡一青趙印選率兵駐賓

州八年辛卯 大兵取肇慶元侑建捷奔南寧會孫

可望遣賀九義殺內閣嚴起恒等元侑忿甚請出靈

山杖高雷之兵迎王入海至欽州為土兵王勝堂所

執送靖南王所不順命令作書招杜永和亦不從與

弟建捷俱斬於市九月陳邦傳叛降於靖南王報至

南寧王震恐議奔廣南後軍印逆一青之師復敗與
大兵相去不五十里王遽由水道走土司抵瀨湍
轉八羅江土司次龍英至廣南歲已暮矣時可望已
受秦封遣人來迎九年壬辰二月可望遣王於安陸
改名安隆 大兵取瓊州杜永和來降

何騰蛟殉楚

崇禎癸未起何騰蛟右僉都御史代王聚奎巡撫湖
廣初騰蛟為南陽知縣數摧賊鋒已從巡撫陳必謙
破賊安臯山及討平土寇益知名後以部郎出僉懷
來憂歸起淮徐兵備復平土寇至是遂有是擢時左
良玉屯武昌橫甚順治元年甲申五月福王自立於
江南詔至良玉時在漢陽有異言騰蛟赴良玉軍爭
之而良玉叅軍盧昌亦言於良玉乃開讀如禮八月
王加騰蛟兵部侍郎兼撫湖南尋以故官總督湖廣
四川雲南貴州廣西軍務乙酉南京有業來太子事

良玉遂舉兵東下邀騰蛟與俱不可則盡殺城中人以劫之騰蛟急解印付家人速走將自刎為良玉部將擁去舟至漢 騰蛟乘間躍入水中漂十餘里遇漁舟救之起則 莊稷廟也而所遣家人懷印者亦在相視大驚遍覓漁舟已不見蓋有神祐云騰蛟乃從寧州轉瀏陽抵長沙集屬吏痛哭盟誓權令堵省錫攝湖北巡撫傅 上瑞攝湖南巡撫章曠為總督監軍周大啓提督學政嚴起恒衡永道督二郡軍食吳晉錫以長沙推官攝柳桂道隨遣曠調黃朝宣張先璧劉承涓等兵先後俱至而良玉已死五月唐王自

立於福州王素知騰蛟賢委任益至李自成死其將劉體仁郝搖旗等觀望無所歸騰蛟遣部將萬大鵬招之搖旗等大悅與大鵬俱至長沙騰蛟問誠撫慰於是簡養戎王進才牛有勇皆來歸驟增兵二十餘萬軍聲大振既而自成部將李錦高必正率衆逼常德騰蛟命涓錫撫之亦來降於是自成餘黨悉歸騰蛟一時詫異事而騰蛟上疏止言元兇已除宜告郊廟不言已功唐王大喜拜騰蛟東閣太學士兼兵部尚書封定興伯仍督師規取兩江於大鵬蛟部暨降卒叅以舊軍乃題授黃朝宣張先璧為總兵官劉承

隋李赤心改李錦 郝永忠旗改郝搖 表宗第五進才及
董英馬進忠馬士秀曹志建王允成盧昂並開鎮湖
北時所謂十三鎮者也兩戌正月騰蛟拜表出師李
赤心敗於湖北騰蛟威望自此損已而唐王死於汀
州騰蛟聞之大慟永明王立以騰蛟為武英殿大學
士加太子太保丁憂 大兵逼長沙騰蛟不能守單
騎走衡州長沙湘陰盡失時守衡州者盧昇而張先
璧率兵突至昇不能抗走永州先璧遂挾騰蛟走祁
陽趨辰州騰蛟脫還赴永州甫至而昂却將復大掠
昂走道州騰蛟與侍郎嚴起恒走白牙市 大兵遂

平衡永於是前所置十三鎮者皆起而為盜未幾部
將周金湯復永州六月騰蛟在白牙市諸將皆不用
命劉承侑由小校騰蛟薦至大帥封定蠻伯尤忌騰
蛟於是騰蛟與為姻妻王進安國公勳上柱國而承
侑益驕忌騰蛟出已上欲奪其權騰蛟固無如承侑
何也於是騰蛟無兵王命雲南授將趙印選胡一青
兵隸之八月 大兵破武岡常德寶慶盡失永亦盡
夫王由柳州將返桂而城中惟焦璉一軍兵孱其騰
蛟率印選一青入助會盧昇亦以兵至桂林乃安戊
子正月加騰蛟太師爵世侯二月郝永忠趙印選兵

大掠桂林 大兵偵知直抵桂北門騰蛟與璉一青
分門拒守 大兵乃還三月李成棟以廣東叛歸於
王 大兵暫回於是騰蛟復全州保昌侯曹志建宜
草侯盧昂新興侯焦璉新寧侯趙印逆復永州職方
主事李甲春復寶慶諸將復衡州馬進忠復常德騰
蛟議進兵長沙適李赤心自夔州至督師堵僧錫令
進忠以常德讓赤心進忠大怒盡驅居民出城焚廬
舍走武岡諸將皆空城走騰蛟聞之大駭己丑正月
携吏卒三十人邀赤心赤心至湘潭見空城也不守
去騰蛟入湘潭 大兵見騰蛟入空城遣徐勇入之

勇故騰蛟部將勸騰蛟降騰蛟不從乃擁之去絕粒
七日不死乃殺之騰蛟所居有神魚井二故無魚也
騰蛟生魚忽滿井皆五色騰蛟 遇害井魚亦空

瞿式耜殉粵

順治二年乙酉八月福王起原任戶科給事中瞿式耜為應天府丞旋擢右僉都御史代方震儒巡撫廣西時靖江王亨嘉據桂林式耜與焦璉定計令思思叅將陳邦傳以兵攻桂林破之王被擒殺於福州九月唐王死於汀州式耜與魁楚奉永明王由榔監國肇慶王拜式耜吏部右侍郎東閣大學士兼掌兵部事十月王聞贛州破將趨梧州式耜爭之不能得十一月唐王弟聿錫據廣州總督林佳鼎敗歿式耜視師峽口四年丁亥王師破廣州八肇慶遂逼梧州巡

撫曹暉降遂襲平樂王將奔全州式耜疏言王留粵則粵在去粵則粵我進一步人亦能進一步我去速一日人來亦速一日去而不守則拱手送矣言甚切至王不聽遂奔全州而進式耜文淵閣大學士兼吏兵兩部尚書守桂林三月大兵薄桂突入文昌門登城樓以瞰式耜署援將焦璉拒戰力式耜亦身立矢石中與士卒同甘苦援兵索餉譁式耜括庫不足妻仰捐簪珥助之故人無叛志既而主客兵不和璉兵譟而去城既破矣會陳邦彥攻廣州大兵引而東桂林獲全於是焦璉復陽朔平樂陳邦傳

復潯合兵復梧州王聞捷封式耜臨桂伯璉新興伯餘進秩有差十一月大兵自湖南逼桂林式耜與何騰蛟拒却之五年戊子二月郝永忠駐桂林與團練兵相惡盡破水東十八村既與大兵戰靈川而敗復大掠殺太常卿黃太元諸將趙印選諸營自靈川至亦大掠城內如洗大兵聞桂林有變急來襲騰蛟拒戰獲全閏三月李成棟據廣東來歸請王赴廣州式耜慮為所制急爭之乃駐肇慶成棟具疏言式耜擁戴元臣不宜久在外王召式耜式耜以國事讓成棟願留桂十一月永州衡州寶慶相繼恢復式

耜以機會可乘請王還桂林以圖出楚不聽六年乙
丑正月何騰蛟被執於湘潭二月成棟敗歿於信豐
王命式耜留守督師兼江楚各省軍馬我朝亦遣
書招式耜式耜不從七年庚寅正月南雄報不守羅
成耀遁韶州亦全州破趙印選在桂林胡一
青王永祚在榕江惶懼不敢出大兵遂入巖關
十月榕江不守十一月諸將皆逃城中無一兵式耜
端坐府中俄拈督張同儼自靈川回入見式耜誓同
死因俱就執幽之民舍兩人賦詩唱和閏十一月殺
之風洞山下故給事中金堡時已為僧名澹歸上書

定南王請收瘞式耜同儼不報吳江吳執收而瘞之
此門之園

孫李構隙

崇禎甲申張獻忠盜蜀僭號順治三年丙戌我肅王
西征殺獻忠於

縣之鳳

其黨偽平東將軍

孫可望偽安西將軍李定國偽撫南將軍劉文秀偽
定北將軍艾能奇偽都督白文選馬雙禮等呼集偽
衆奪重慶府殺平蜀侯曾英四年丁亥春由遵義入
貴州時雲南土司以定洲作亂據雲南省城黔公
沐天波出奔永昌定洲追之聞兵巡道楊畏知據楚
雄起兵討賊乃留圍楚雄不能克可望在貴州聞滇
亂兼程趨滇三月二十八日屠沾益州明日屠曲靖

定洲悉收兵還阿迷與可望遇於蛇花口接戰大敗
遁去可望遂取雲南右僉都御史宗室壽鉞以永明
王命募兵雲南為可望所繫脅降不從被殺御

史羅國獻死之可望遂引兵而西遇畏知於
縣畏知迎戰大敗被執不屈許以共獎明室畏知乃
降可望兵至大理遣人往永昌招天波並索道府印
署府篆通判劉運署道篆推官王運用咸曰印往
則我亦降矣乃相繼自縊運同第運因赴水死天波
降於是可望自稱平東王以劉文秀等守雲南可望
自滇回黔執總兵皮熊而釋之初可望赴滇熊由平

越收兵復貴州可望回熊不能禦走清浪衛可望使
白文選追執之可望既至黔設官鑄錢造符敕謀僭
大號而定國文秀等故等夷各自稱王不相下定國
尤彊悍議齟齬不合六年己丑春可望杖定國於演
武場以威衆孫李之隙自此始已而定國率兵征沙
定洲獲之於湯嘉賓皆斬之兵益彊可望不能制稱
帝之意始 永明王自立於粵東已四年矣可望
苦無以制其下願奉朔來歸因遣楊畏知入粵時武
康伯胡執恭屯泗州城知可望彊欲藉為援畏知至
則大喜遽矯冊封可望為秦王而畏知至肇慶見王

道可望歸順意為請封太學士嚴起恒都御史袁彭年科臣金堡等執不可畏知言可望兵力強可藉而為用何惜一封誦以樹南督師堵胤錫亦以為請乃議封可望景國公賜名朝宗定國文秀皆列侯胤錫曾賜空敕得便宜從事遂矯命改封可望為平遠王使至可望先受秦封不受命遣人至梧州問故王始知矯詔事馬吉翔請封可望為潯江王使者言非秦不敢復命嚴起恒與督師尚書楊昂和科臣劉克珍抗疏力爭議遂寢七年庚寅十一月大兵破廣卅下桂林王走南寧事益急乃遣編修劉蒞封可

望為冀王仍不受時艾能奇已死可望并其衆益強八年辛卯可望遣賀九義張勝張明志赴南寧索沮秦封者九義遂追殺昂和於崑崙關殺起恒而投之水死沉三十里虎負之登岸乃收瘞之并殺克珍及吳霖張載速等霖載速未嘗沮秦封以曾劾王秦封者故殺之於是真封可望為秦王畏知見九義凶悖痛哭八朝疏其擅殺大臣罪請誅之王因留可望入閣辦事可望聞大怒遣鄭國執畏知以歸畏知望見可望即大罵以頭憤擲可望面可望遂殺畏知定國文秀素與畏知善聞畏知死益切恨可望是時大

兵日逼南寧不守九年壬辰春二月可望乘間遷王於安陸先是 大兵已取湖南定兩粵定南王孔有德提兵八黔定國禦之連破靖沅武岡八桂林當是時定國兵力強甚不復稟可望約束可望忿甚已戰於衡州而敗可望使人召之赴沅議事將因其敗而殺之定國覺其意辭不行遂入粵西初可望遣雙禮邀定國為定國所敗擒而釋之故雙禮傾心定國十年癸巳可望自率兵追定國狎過 我兵而敗歸則盡殺明宗室之在黔者王處安隆勢日窮促知可望與定國有隙乃與大學士吳貞毓謀先以計遣可望

腹心文安侯馬吉翔往南寧祭陵乃遣林青陽充使封定國為晉王趨使來迎定國奉檄感激流涕然以兄事可望又未敢輕發一日劉議新自定國營過南寧見吉翔語及定國受敕事吉翔大驚遽聞之可望十一年甲午可望遣鄭國王爰秀至安隆索首事者繫閣臣貞毓極刑拷掠貞毓曰凡事宰相主持我約李定國討孫可望是實諸臣無與而吉翔已報坐十八人某主謀某草敕羅織成案於是主事張錫太監張福祿全為國凌遲死蔣乾昌李元開李 胡士瑞徐極楊鍾趙 禹蔡績鄭允元周允吉朱議朶朱東

旦任斗墟易士佳等皆棄市貞毓以大臣賜自盡可望憾定國益甚然以將兵在外不敢輕樹敵仍厚養其妻子於雲南定國亦防可望襲之益取高雷廉州以自固十三年丙申定國進攻新會大敗率殘兵奔南寧將由安隆入滇可望偵知

安隆勅

王回黔 呂大勸文選雖為可望用然心不直其所為因以情告王曰姑逢行候西府至西府謂定國也定國至安隆文選歸之共奉王趨雲南王封文選為鞏昌王時守滇者為劉文秀王尚禮王自奇賀九義文秀數怨可望遂以數騎私逐定國迎王入滇王封

文秀為蜀王尚禮保國公自奇夔國公令文選還黔慰諭文選至可望啣其二於定國也悉奪其所部兵羈之軍中然以妻子尚在滇未敢遽反十四年丁酉春王使張虎送可望妻子於黔可望遂反可望諸將馬進忠馬惟興馬寶最稱勇健而素善於文秀且與文選密因從容謂可望言今諸將中才無出文選右者大將亦文選不可可望從之乃留雙禮守貴州而以文選為大將軍統諸軍前行九月定國文秀帥師至三岔河與可望夾交水而軍文選輕騎奔定國可望以李劉俱出會城必虛因遣張勝馬寶由尋甸

間道襲雲南而自將勁卒擊定國十九日戰方合惟
興等內叛將士大呼迎晉王一軍尾解可望狼狽回
貴州而襲雲南之師馬寶不戰來降張勝抵城下尚
禮謀內應沐天波覺之守之以兵得不發定國兵回
遇勝於渾水塘擒而誅之尚禮仰藥死於是文秀文
選窮追可望於貴州可望挈妻子走長沙來降於我
經略洪承疇軍前雙禮為可望斫後截其子女玉帛
來降於文秀同歸雲南王封雙禮為慶陽王進忠為
漢陽王惟興與寶及九義俱進公爵其偏德安侯秋
三品偏岐山侯王會為荆江伯張光翠以黨附可望

降爵有差惟文安侯馬吉翔善逢迎八閭辦事如故
十五年戊戌春正月可望至京師封義王

孫李奔北

順治九年壬辰春二月定南王孔有德以七百騎出
河池向貴州 大軍駐柳州接應孫可望乃謀內犯
使李定國馮雙禮由黎平出靖州馬進忠由鎮遠出
沅州會於武岡以勸桂林劉文秀張先璧由永寧取
叙州白文選由遵義取重慶會於嘉定以圖成都可
望疏請封定國為西寧王文秀為南康王五月定國
進攻 武岡俱下之有德邊守桂林定國由西延
大埠疾趨而進 我師遇於全州不利七月四日定
國陷桂林獲前降將陳邦傳及其子曾禹送貴州去

其皮而殺之有德自經死家口百二十人悉被殺惟一女年十七逸出城單騎走京師哭訴於

憐而養之宮中後歸其原夫孫延齡十一月我敬謹親王尼堪琿兵攻衡州定國敗走王率精騎追之遇伏殞於陣固山佟圖賴監其軍定國收兵屯武岡十年癸巳春定國回廣西可望使人召定國不至可望自率兵追之大軍至寶慶與可望遇雙禮將左文選將右我軍見可望龍旂急攻之可望北惟雙禮軍不動我軍繼衡州之失亦不追以武寶之間為界定國遂得據西已與馬寶由懷集東攻肇慶

不能克秋攻高州破之雷廉俱下十二年乙未可望犯常德敗殲定國攻新會不能克十三年丙申春平南王擊敗定國軍定國奔南寧遂抵安陸奉王趨雲南十四年丁酉可望來降於王師十五年戊戌春正月命楚蜀粵三路兵入黔定國使劉正國楊武守三坡紅岡諸要險以防蜀馬進忠駐貴州四月夔國公王自奇永壽伯闕有才反定國自率兵討平之楚兵自鎮遠入貴州屢告急定國不及援遂平貴州進忠遁蜀兵至三坡劉正國奔回雲南蜀兵克遵義五月蜀兵擊破楊武於開州之倒流水七月粵兵抵獨

山州十月三路兵俱集戎期八滇定國與雙禮等扼
雞公背蜀復貴州文選守七星關示犯遵義以牽制
蜀兵十二月蜀兵出遵義趨天生橋入烏撒文選懼
走回霑益州泗州土官岑繼祿導粵兵入安隆定國
使懷仁侯吳子聖禦之敗績定國 拒戰建敗大
營妻子俱散失諸將各敗走不相顧馬寶等或來降
定國撤寨遁回十五日報至玉走永昌十六年己亥
春正月三日 大兵入雲南二月文選敗於玉龍關
初文選自霑益追及定國因留之斷後二月 大兵
出雲南十日敗王國勳於普 十五日至大理之玉

龍關文選與張先璽陳勝俱敗文選乃從沙木和走
右甸由鎮康而出 邦定國先伏兵於潞江之高黎
貢山中十八日 大兵抵永昌二十一日次潞江前
驅遇伏不利適中書盧桂生來降定國謀洩乃分精
甲先蹂伏處定國遇 大軍不能支因退即出騰越
走孟定而王已入緬矣



國家圖書館, NATIONAL CENTRAL LIBRARY, TAIWAN, R.O.C.



三藩紀事本末卷四

青浦楊陸榮采南氏編

永明入緬

順治十六年己亥正月王自雲南赴永昌警報日至
二月十五日李定國令總兵斬統武率兵四千人自
永昌啓行十八日抵騰粵時李國棻馬吉翔輜重甚
厚恐遭劫奪促王連夜即行兵馬過處火光燭天右
轉左旋天明仍在故處二十八日至銅壁關統武去
王仍歸定國緬人知王抵關令從人悉去兵器方許
入關是日次蠻漢緬人迎貢頗成禮昆明諸生薛大

觀與子之翰聞王入緬投黑龍潭死二十九日駐札
定三月一日到河岸河中惟四舟止足供王用而河
傍又無他舟可買從人乃登陸紆路赴緬途中遭劫
殺者通政使朱蘊金中軍姜承德副總兵高陞皇親
馬九功千戶謝安祚向島忠范存禮溫如珍李勝劉
興隆段忠等皆死於難初六日開舟二十四日至阿
尾請大臣過河面議冊寶視神宗時差小起以為假
及出沐國公印對同乃信因請王及文武臣居舊城
復請王敕關上無得納漢兵三月十七日陸行人到
緬緬王曰此非來避亂乃裹應外合兵也發兵圍之

殺傷甚多僅存者分散各村居住括兵潘世榮降於
緬或云在途被殺未詳五月四日緬王以龍舟來迎
王八日到者棧蓋房十間居王以竹為城隨從諸臣
或短衣跣足與緬婦相貿易為笑樂大為緬人嗤緬
俗朝見以跣足為禮八月十五日各蠻來朝王欲誇
示諸國於十三日請沐天波過河令跣足為諸蠻先
以臣禮見焉九月緬人進糶穀給貧乏者十七年庚
子七月緬王復請天波過河以各營逼緬城乞王敕
漢兵無得近廟九月李定國有疏迎王內云前後共
有三十餘疏俱不達時馬吉翔與李國泰比專事權

一日翔奏大臣有三日不舉火者王不應明日翔奏
合奏王怒以御寶擲下翔即鑿而碎之散給諸臣其
凶悖如此十八年辛丑任國璽因東宮開講將宋末
賢奸利害纂書進呈翔見而切齒王覽一日翔即袖
之以出五月璽復有時事三不可解疏大槩言今日
勢如累卵禍患然眉猶然世世不思出險沐勳臣王
皇親亦可主持豈宜令翔奏獨專大柄王祖望鄧居
詔各疏劾翔奏王固無如翔奏何也而是時浦纓大
開賭市晝夜呼盧不絕王惟恭與楊大監爭賭毆拳
喧譁徹內益為緬人所輕先是二月二十八日白文

選密遣緬民賫奏內云不敢速進者恐有害亡得緬
人送出為上策王即回璽書甚切越五六日沿河塔
浮橋為奉迎討緬人覺之事不果三月錦衣衛趙明
鑑等謀奉世子逸出出時並殺翔奏翔奏聞遂以結
盟投緬誣奏執殺王啓隆家人何愛等七月二十三
日緬酋殺兄白左隨遣兵士驅王隨從文武諸臣渡
河吃呪水至則盡殺之於是松滋王某沐天波馬吉
翔王惟恭馬雄飛鄧士儻鄧居詒楊在鄔昌 任國
璽王祖望裴廷謨楊生芳郭璘潘璜齊應吳魏豹王
白京安朝桂王昇陳謙王啓隆龔勳吳承爵張宗伯

任子信張拱極劉相宋宗宰劉廣銀宋國柱丁調鼎
李國恭太監李茂芳楊宗華李崇貴周公盧公雷公
沈公二楊公皆被其難少頃復以兵三千人圍王所
每三十人擒殺一人八宮搜取財帛於是自縊及被
殺者不可勝數其姓名可紀者吉王某同妃自縊二
貴人楊氏劉氏松滋王妃俱自縊姚文相黃華宇熊
相賢馬寶二差官趙明繼王大雄王國相吳承胤朱
文魁吳千戶鄭文遠李既白凌雲嚴麻子尹襄朱議
恭王國璽等皆死之內官陳德遠等一十八人一行
自縊王與大妃等二十五人聚一小房逾二時通事

引護守緬官至曰不可傷皇上乃移王出居沐國公
房內大小內外共棲一樓三日幾斲火食兵退姜承
德妻楊氏自縊死馬吉翔第四女哭曰我父在世不
知作何等人如今已死人猶罵之縊數次乃絕王啓
隆妻吳氏妾周氏既上縊太監李從龍見而救之吳
曰爾與吾夫厚應促我死反來救耶卒自縊吳承爵
妻某氏先縊子女乃自縊齊環妻某氏抱子赴水死
二十一日修葺原所復請王居之二十五日進銀米
等物

檄緬取王

順治十六年己亥春二月李定國之兵敗於潞江退
師出騰越知王已入緬不敢深入聞白文選屯兵木
邦乃就文選謀曰王入緬救漢兵無入緬例我兵若
入恐發生不測清兵萬一隨來無險可恃莫若就
邊地擇安屯住招集以畝興復文選以王既入緬無
重兵護衛請身入護王與定國謀不合定國遂自引
兵從孟定府過耿馬抵猛緬屯札前各營潰兵陸續
來集兵勢稍振越數月移營孟連賀九義及文選部
將張國用趙得勝等皆來歸乃約元江土司那嵩共

恢復孟艮酋長以定國在孟連恐為所并糾合衆
與定國為援定國移兵征孟艮滅之據其城而大
兵

破元江邦嵩自焚死事不得集賀九義妻
子在雲南我平西王吳三桂令作書以招九義九義
有二心定國殺之國用得勝與九義同來歸者聞之
心快之總兵唐宗堯者故奸弁定國令守磨乃凡兵
將投孟艮者宗堯悉收隸麾下商客至則盡取其財
由是商賈不至以故雲南及阿尾消息定國絕不聞
文選自與定國別即山木邦至錫薄所至縱兵大掠
聲達阿尾阿尾有新舊二城新城緬王所居以舊城

居王文選急攻新城城中無備且破矣緬王給言俟
三日出新城讓王文選信之退兵十里而城中備禦
復固既三日文選復引兵進攻反為所敗遂引兵赴
孟艮會定國定國遂同文選赴阿尾其國用得勝所
部兵仍還文選時十七年庚子九月也緬人知文選
敗定國必復來乃益修戰守備十八年辛丑四月定
國至阿尾使人入緬求王緬人不許定國見緬人備
禦已固乃退兵三十里下營明日緬人見定國退即
於城外立木城日移而前遂逼定國寨五月以象兵
與定國戰於木城下定國前隊稍失利文選引兵橫

衝之緬人大敗退保新城文選定國決計渡江先遣都督丁仲柳於阿瓦上流造船緬人知船工將竣以正兵級定國而別遣奇兵搗船廠仲柳棄船走船悉被焚定國與文選議復進洞郎一面造船一面攻新城使兩不相應乃俱移營定國在前文選在後國用得勝以九義之死叩定國至是遂挾文選出走將來

我朝至耿馬適與吳三省軍相值三省者定國舊部安隆之敗三省尋獲大營妻子來詣定國於孟艮而定國已移營不相遇至磨乃宗克有叛志收而殺之然兵弱不敢入緬地流連孟定耿馬間文選

退走遇 軍文選見三省 言而涕出三省察軍

情有 因言雲南降者皆怨恨不得所人心思明甚於 日於是張趙復心動遂與三省同屯於錫薄我平西王吳三桂偵知李白情隙 令馬寶率兵追文選且招之而自率 大兵趨緬時文選已去錫薄寶追及文選於孟養單騎赴文選營說之文選降封承恩公王其妃在文選營文選降妃自縊大軍臨阿瓦檄緬取王及妃十二月三日緬人令數十夷人連座擁王去約二 許至營則三桂軍矣九日 大軍回

滇 聞我

皇上恩免俾見 康熙元年壬寅四月二十五日王與
妃及世子俱終於雲南沅江總兵皮熊聞王就執走
避水西絕粒七日不死 大兵聞遣騎執熊至皆立
不順命積十三日不食始瘖十四日乃斃仍戮屍熊
婿趙默亦被執索紙書絕命詞受戮鄧凱者從王於
緬王既死入昆陽普照寺為僧李定國聞阿瓦消息
遣人八車 暹羅諸國乞兵奮興復會一營人馬盡
死六月十一日定國生長病作二十七日定國卒臨
終謂子嗣興及蕪統武曰寧死荒徼無降也定國死
未幾統武 嗣興來降

蜀亂

順治元年甲申張獻忠據全蜀惟遵義未下兵部右
侍郎搃督川陝軍務樊一蘅及督師王應熊避其地
因檄諸郡舊將會師大舉會巡撫馬乾復重慶松潘
副將朱化龍同知蔭天顏復龍安一蘅乃起舊將甘
良臣為總統侯天錫屠龍副之合叅將楊展遊擊馬
應試 示所擄潰卒共得三萬人二年乙酉三月
攻叙 朝宗先登展繼之偽都督張化龍走遂
復叙州賊將馮夔率兵來爭而敗偽安東將軍孫
可望援之相持一月一蘅糧盡退屯古蔭州展退屯

江津賊乃截化龍於羊子營化龍率番兵衝之賊驚潰遁去一衛命展應試取嘉定邛崃故總兵賈耿登及中軍楊維棟取資簡天錫高名佐取瀘州李占春于大海守忠浩初乾既復重慶賊遣劉文秀來攻會副將曾英與叅政劉麟長自遵義至與大海占春張天相等奮力夾擊破賊兵數萬英威名振蜀中亦受一衛節制其他擬城奉征調者洪雅則有雷勳及監軍副使范文光松茂則有監軍僉事天顏燮萬則有弘譚誼一衛乃移駐納溪居中調度三年丙戌春盡取川獻忠大忿恨盡屠境內民沈金銀

焚宮室急遣可望文秀伏三品王復臣等攻川卅郡連戰不利英祥等乘間趨成都七月賊棄成順慶時川中諸郡惟保寧順慶為賊將劉進忠所守而進忠所部多川兵獻忠恨川人之不附已也既屠其民將盡殺川人之為兵者進忠聞之大懼赴王師降且告獻忠所在十二月王師殺獻忠於鹽亭賊兵悉潰而南時英駐重慶稱最強可望猝至重慶英出不意敗死賊遂陷綦江督師應熊退避畢節衛永明王以呂大器代之四年丁亥賊入遵義時大兵八川所至俱下大海退入于浩

袁韜 而八於黔之婺川占春避而東下諸擁兵者 尾解川地盡入叛蜀矣已而 王師追賊至遵義糧盡引還於是王祥等復八保順二郡一蘄再駐江 計上表永明王王以一蘄為戶兵兩部尚書加太子太傅諸將祥等進爵有差於是韜復入重慶大海占雲陽占春據涪州詣據巫山譚文據萬縣弘據天字城天錫據永寧應試據蘆衛祥據遵義展據嘉定化龍勳等各據地自擅而宗室 容藩及故偏沅巡撫李乾德以抵制至楊喬然江 以巡撫至各自署置官多於民李自成餘孽李赤心郝搖旗

袁宗弟等復據夔巫間一蘄令不行惟叙州一郡而已五年戊子容藩自稱楚世子天下兵馬副元帥建行臺於夔武岡之敗傳永明王已死大器過占春營具言王無恙容藩乘機僭竊當得罪占春以為然李乾德亦傳檄聲容藩罪容藩益窘乃北依二譚以兵攻石砭司占春援之容藩兵敗走死雲陽是時川地咸附於永明王乾德者少好占驗至蜀諸將中惟許韜及武大定遊結二人為腹心韜故獻忠別部所稱姚黃十三家賊大定則小紅狼別部也韜與占春素不協時駐重慶兵強而饑乾德遣人說展與合兵展

與占春素厚富而弱藉袁武之強以自固初之約為
兄弟然展能與袁武合而不欲與占春絕也時通聞
餽以銀米袁武有所求顧不甚遂因恨展既鞫徒
為展以生辰來為壽乾德因說鞫殺展而分其
貨展死諸將皆解體故乾德卒至於敗可嗟聞展死
將蜀蜀乃為展訟寃使王自奇將兵由川南進而別
遣文秀及白文選渡金沙河出黎州敗王祥於烏江
河取曹勛而襲其後趨嘉定時袁武方拒自奇於川
南撤師還故自奇尾擊之袁武大敗悉就擒乾德投
水死兵復東三譚俱降乃遣別將盧名臣下涪州占

春敗走大海在忠州知不支引兵出夔入楚與占春
來降於王師文秀遂據蜀七年庚寅正月文秀還
雲南令文選守嘉定劉鎮國守雅州三月大兵南
征文選鎮國俱敗王師入嘉定文光顏死之初
展之死文光八山不視事至是死焉九月一蘄亦死
於山中蜀中將士俱盡九年壬辰文秀文選率兵來
攻保寧大兵奮擊破其衆陣十六年己亥弘詣俱
納款時弘詣已殺文安之與劉體仁李來亨等欲
討之二人懼來降未幾取馬湖叙州降牟勝於武隆
赦而用之於是獻忠之擾蜀者亦盡自成遺孽亦搖

旗表宗第劉二虎 尚據巴東十八年辛丑奉旨
三省會勦 王師 萬縣賊棄夔州 康熙元年壬
寅正月元旦大軍銜枚進奪羊耳關賊楚入昌縣以
遁二年癸卯復犯巫山 大軍與鏖戰而遣兵密斫
其營賊大潰二虎投環死追搖旗宗第獲之蜀地悉
平

鄭成功之亂

鄭成功南安人父芝龍娶倭婦生初名森芝龍見森
於唐王王奇之賜國姓名成功 順治三年丙戌三月
王封成功為忠孝伯福州破成功母死於兵成功涕
慟不自勝芝龍約降成功泣諫不聽我貝勒挾芝龍
成功遂與所善陳輝張進等乘二艦入海收兵
南澳得數千人四年丁亥聞永明王由榔潛立於肇
慶文移用永曆年號成功歸自南澳時廈門浚州為
鄭彩鄭聯所據乃泊鼓浪嶼廈門者中左所也浚州
者金門也隸同安為兩島七月八寇海微不克而還

八月與鴻逵合攻泉州敗我提督趙國佐於桃花山
遂圍泉州五年戊子我副將王進自漳來援成功解
圍去三月攻安安守將王彪折光秋棄城走遂入之
復寇泉州九月我佟國器陳錦李率恭援之成功乃
是 大兵屠同安六年己丑三月遣施琅楊才黃廷
何宸樞等寇漳浦守將王起鳳降授偽鐵騎鎮尋改
偽正兵鎮遂下 霄抵詔安屯分水關令黃廷何宸
樞守盤陀嶺官軍攻盤陀宸樞死焉七月永明王遣
使至島封成功為唐平公七年庚寅潮人黃海周全
斌道成功入潮州敗 我師於潮陽師還遂入兩島

兩島為鄭彩鄭聯所據成功師抵廈門聯方醉卧萬
石巖報至不得通詰朝酒醒出見成功嘆曰无能以
一軍見假乎聯未及對諸執銳者前矣遽麾軍過聯
船兵士皆髡服莫敢動遂并聯軍彩率所部遁於南
中已殺聯而復彩成功將至彩議全軍出避聯不從
又不設備故及成功既入兩島軍勢益強海寇皆屬
焉十二月 王師下廣州守將杜永和奔瓊州成功
謀往接之八年辛卯率衆而南二月次平海衛我副
撫張學聖聞成功 急調馬得功取廈門偽守將
鄭芝莞遁四月成功還自平海誅芝莞遂趨廈門而

世

得功已為鄭鴻逵所攻逸去兩日矣是月施琅來降
祖以琅為福建水師提督駐海澱琅有軍校犯令將
殺之成功急止之不從故成功遂欲殺琅蘇茂縱琅
遂來歸於是成功并憾茂五月成功寇南溪十一月
敗我提督楊名高於小營鎮十二月寇漳浦九年壬
辰正月寇海澱二月寇長泰我副將王進勇無敵號
老虎成功偽中提督 輝與戰於北溪兩馬相搏不
相下而已兩家兵至 解進入長泰輝攻破之進走
郡城漳卅屬邑皆下五月成功圍漳卅凡七閱月城
中食盡人相食枕藉死者七十餘萬人間存者氣息

世

僅屬雖悲泣不能下一淚有士人饑死鄰舍兒竊食
之腸中歷々皆故紙字畫隱々可辨鄰舍兒見之一
慟亦絕十月金固山援至成功令偽右衝鋒鎮柯朋
接戰而敗偽禮武鎮陳鳳援之亦敗偽右武衛周全
斌援之亦敗成功大崩潰退保 澱十年癸巳五月
金固山攻海澱城墜百餘丈成功親立雉堞堵禦不
能破一日空炮連發成功曰是將臨城矣勒兵持斧
以待令曰敵至方斫官軍渡濠呼登城衆執巨斧以
斫隨斫隨落濠為之平固山始解圍去十一年甲午
祖遣人入海招撫芝豹就撫人京成功不順命時方

議撫局成功乘機登岸措餉大擾福州興化等郡十月復遣滿員入海議撫無順意歸報乃置芝龍於高坦芝豹於寧固塔十二月寇漳州我漳州守將皇甫軒降於成功十邑皆下遂畧泉州不能破而還十二年乙未正月寇仙遊五月遣偽忠振伯洪旭偽業鎮陳六御寇舟山破之以六御守備因招降我台州鎮馬信寧波鎮張宏德六月破安平鎮及惠安同安南安三邑十一月我定遠大將軍庶子王至閩成功遁回島中十三年丙申正月庚子王自泉州出攻兩島風不利引還五月殺蘇茂茂縱施琅成功恨之至是

世

敗於揭陽遂令殺茂六月黃梧及茂部將蘇明來降祖以梧為海澄公駐漳州明為多李幾昂邦內大臣梧從蘇茂敗於揭陽故來降十月庶子王班師成功進畧溫台等郡十四年丁酉三月成功回島遣甘輝周全斌攻寧德殺我滿師阿克襄襄既墜馬猶手刃數人而死十五年戊戌永明王遣周全湯航海進成功為延平郡王成功遂議大舉入寇金陵七月以黃廷為偽大提督留守餘俱從行甲士十七萬習流五萬習馬五千戈船八千鐵人八千鐵人者周身披鐵盡以朱碧彪文陳於行首聳立視馬足而斫之至浙

江攻陷樂清等縣次陽山暴風漂沒八千餘人成功
幼子溺焉十六年己亥五月至崇明諸將請先取崇
明為老營不聽七月抵焦山成功集諸將議曰瓜鎮
為金陵門戶宜先破之乃令偽右提督馬信前鋒鎮
統領余新進奪譚家洲偽材官張亮督善泅水者盪
舟斬斷 江龍偽兵侍張煌言會偽水師提督羅蘊
章候滾江龍既斷即進據瓜州上流焚奪滿洲木城
成功與甘輝翁天祐等直搗瓜州我操江朱衣祚城
守左雲龍率兵一萬會戰背港而軍戰未合張亮已
斷滾江龍對岸夾擊偽右武衛統領周全斌率兵帶

甲浮渡直抵城下偽正兵鎮韓英奪門入城遂破雲
龍陣歿衣祚逸去其譚家洲及滿洲木城俱潰成功
令偽援勦左鎮劉猷守瓜州餘皆渡江趨鎮江我提
督管效忠以步兵駐守銀山騎兵移當大路成功以
銀山迫府治為必爭地夜引兵奪之遂明 大軍分
五路三疊壓壘而軍成功令發火炮多鼓鈞聲江水
震沸兵士皆下馬殊死戰效忠坐鎮江守將高謙降
成功以周全斌黃昭守之屬邑皆下甘輝進曰斷瓜
州則山東之師不下據此固則兩浙之路不通但坐
鎮北南都可不勞定也不聽率師薄金陵八月至觀

音門以黃安總督水師守三汊河口成功率諸將由儀鳳門登陸屯岳廟山甘輝以守禦既固恐難猝拔為諫不聽 大軍以千騎來薄偽前鋒鎮余新擊敗之遂輕敵不設備軍士捕魚飲博為樂我副將梁化鳳偵知之由儀鳳門穴城出軍皆銜枚疾走薄新營新不及甲遂就擒成功急令翁天祐馳援已無及大兵既敗余新遂以步卒數千直搗中堅而以騎兵數萬繞山後

前後夾擊成功大敗諸偽將各潰走不相顧成功麾軍急退甘輝且戰且走至江騎能屬者三十人被執殺九月成功還師攻崇明不下

偽正兵鎮王起鳳傷炮死十月還島哭甘輝而後入曰我從甘輝言不及此立廟祠之十七年庚子五月世祖命將軍達素總督李奉恭舉兵大搜兩島令大船

出漳州小船出同安檄廣東提誠將士許隆蘇利等會海上成功令陳鵬守高崎遏同安之師鄭恭出浯州遏廣東之師自勅諸部扼海門以禦漳州之來討者成功既至海門令偽五府陳克英傳令諸將碇海中流按軍不動令未畢漳船風利遂迫海門諸將倉卒受命未敢先發 大兵乘之偽閩安侯周瑞與陳克英俱死焉日向午東風轉盛成功自手旗起師風

吼濤立業人不諳海性 不能軍而退是日同安
軍出高崎陳鵬豹降偽 將陳蟒覺之曰事急矣當
決一死戰麾其屬與偽殿兵鎮陳璋合擊之 我兵
退陷於淖而潰成功殺鵬以蟒代之許隆蘇利後二
日始至知西路 不成遂還素回福州自殺十八
年辛丑成功議取臺灣臺灣東倚山西薄海业界難
籠城與福州對峙南則河沙磯小琉球近焉周袤三
千里水陸之產咸備初逆龍興群盜出沒其地後為
紅夷所據成功自江南敗還地處兵弱適紅夷甲螺
何斌逃至廈門 成功感言臺灣富疆為四省要害

且言可取狀成功大喜東甲遂行三月泊澎湖次鹿
耳門鹿耳門者水淺沙膠海道紆折僅容數武成功
至適水驟漲丈餘大小戰艦銜尾而進紅夷大驚成
功引兵登陸克赤嵌城遂攻王城堅守不下乃環七
崑身以逼之十月命棄芝龍於柴市鄭氏子孫在京
者無少長皆伏誅十二月成功圍王城不下乃飛火
燒其夾板船敗者一 終無降意成功乃使人告之
曰此地乃先人故物今我所欲得者地耳餘悉以歸
爾荷蘭乃降成功既得臺灣制律法興學校改臺灣
為偽安平鎮赤嵌城為偽承天府府一曰承天縣二

曰天興萬年 康熙元年壬寅五月成功卒成功自
僭亂至今凡十七年卒年三十九時成功長子經在
廈門臺人以成功弟襲理臺事六月討至島經自稱
招討大將軍嗣立我靖南王耿繼茂總督李率恭遣
人持書招經請如朝鮮事例不報經於是以周全
斌為偽五軍都督與陳永華馮錫範等帥兵還臺黃
昭蕭拱宸謀奉襲拒經十一月昭攻經潰全斌率
兵力戰經還射昭昭殪衆皆返巡稅甲經遂入臺二
年癸卯永明王討至經猶稱永曆年號殺鄭恭以其
貳於襲也恭子續緒弟鳴駿偽忠靖伯陳輝偽武衛

楊富偽虎衛何義等俱來降於是 天子銳意南征
遣人約紅夷合兵攻島十月耿繼茂李率恭滿帥即
賽合紅夷出泉州提督馬得功出同安黃梧施琅出
漳州經令全斌禦之得功先至戰於島 於陣已

而 王師大集全斌潰退守銅山 大兵入兩島兩
島之民爛焉三年甲辰黃廷周全斌林順俱來降四
年乙巳水師提督施琅疏請攻臺不克而邊 上命
琅及全斌俱邊京七年戊申 命明珠蔡毓榮至漳

州遣興化知府 天顏持書招諭經遣柯平葉亨入
奏請如朝鮮事例不報十一年壬子吳三桂據雲南

四川貴州以叛十三年癸丑耿精忠據福建執總督
范承謨以叛八閩鎮將皆附於精忠五月精忠調海
澄總兵趙得勝兵得勝不從來奉經經以得勝為偏
興明伯左都督時經偷安日久兵甲鈍敝精忠千之
經遣人於精忠借漳泉二府精忠不許耿鄭交惡經
遣馮錫範取同安精忠偽守將張學克降精忠懼使
王進守泉州王進者老虎也時降於耿至泉未幾為
王錫範所逐先是經偽平北將軍王進功入奏精忠
竊之福州至是進功子錫範誘殺泉州守將賴玉遂
逐進而附經經以錫範為偽指揮使七月 王師圍

潮州精忠不能救偽總兵劉進忠納款於經經遣偽
援勦左鎮金漢臣率舟師援之全軍俱沒九月精忠
命漳浦降總兵劉炎與王進為將旬取泉州十月劉
國軒敗進於塗嶺十一月趙得勝王錫範攻漳浦劉
炎降於經遂援潮州與 王師戰於北門潮州圍解
十三年甲寅正月精忠使張文韜往經議和以楓亭
為界始通好也五月國軒入潮州與何祐進忠徇屬
邑之未下者我平南王尚可喜帥兵十萬來攻晨掩
佑軍佑死戰國軒繼之可喜業六月經率諸將圍漳
州先是癸丑我海澄公黃梧率於漳州子芳度權知

軍事經再入島以芳度為偽德化公芳度陽受命陰通本朝事泄經率兵攻之芳度使兄芳突圍入粵乞救自與諸將分守四門攻圍六閱月十月部將兵淑開門出降芳度投開元寺東井以死不及援師間三日身事聞上震悼贈王爵謚忠勇世襲十二代經入漳州十四年乙卯二月吳三桂兵至肇慶碣石總兵苗之秀東莞守將張國勳降於經經有韶州平南王尚之信降於三桂三桂檄讓惠州於經國軒入據之五月精忠汀州偽守將劉應麟以州款於經經以應麟為偽奉明伯使吳淑入據之始叛盟也九

月王師入閩精忠降其興化偽守將馬成龍以州降於經經以成龍為偽珍粵伯使許耀入據之耀沈酒酒色不在軍事乃以趙得勝何佑對焉十一月精忠邵武偽守將楊德以州款於經經以德為偽後勁鎮吳淑入據之當是時經悉有泉潮漳韶惠汀興邵八郡之地十二月王師敗吳淑於邵武城下淑奔還島中十五年丙辰正月王師圍興化何佑起趙得勝或於我戰敗不救得勝死之佑奔泉州興化陷二月漳泉潰經遁入島三月我和碩彙親王遣知府張仲舉復申前議經勿從四月移諸將八臺劉炎奔

歸 王朝劉進忠降於吳三桂尋歸 王朝俱磔茲
市國軒乘惠州回島八郡盡失十六年丁巳二月國
軒八寇玉洲三汊河福河下湖等堡俱下擊敗援兵
於江東橋取石馬遂入鎮取灣腰樹馬洲丹洲諸堡
是時總督卽廷相按兵漳上 公黃芳世都統胡兔
寧海將軍喇哈達都統穆里林平南將軍賴塔副將
朱志麟姚公子李阿哥等先後來援俱敗國軒遂取
平和漳平圍海澄六月逮卽廷相以吳興祚為閩撫
姚啓聖為總督趨諸軍援澄諸將高壘自完顧視不
救城破提督段應舉總兵李藍死之國軒進陷長泰

同安乘勝圍泉州梅勒雅大里城守不下乃徇南安
永春安溪德化等縣八月 官軍復漳平長泰平和
等縣我學士李光地道喇寧海賴平南由安溪出同
安巡撫朱興祚由仙遊出永春提督楊捷由興化下
惠安搃兵林賢黃鶴林子威帥舟師由閩安出定海
尅期援泉八月林賢等敗偽樓船中鎮蕭濠於定海
國軒退還漳州以二十一鎮兵與 王師戰於龍虎
山都統胡兔先合不利啓聖援之亦潰精忠故仇鄭
親督戰立斬退縮者三人大呼而八馬平南繼之陣
斬偽海鎮鄭英吳正璽等破營十六座斬首四千級

捕虜一千二百人亡溺以萬數國軒 河遁十八年
己未十月 官軍攻蕭井寨吳淑被壓死啓聖開第
於漳州曰修來館以官爵銀幣餌來歸者漳泉間人
率稱啓聖能懷遠也十九年庚申春正月提督萬正
色及總兵林賢陳賢黃錫揚嘉瑞以舟師伐島逼海
壇興祚提兵與之沿海上下經命偏左武衛林陞率
陳諒江勝朱天 禦之既聖我軍畏其衆也不戰而
潰天貴來降二月國軒入島啓聖來間復十九寨遂
覆兩島經及諸將遁八臺二十年辛酉正月經率於
臺灣嗣立凡十九年經長子克 向監國實昨鄭氏

出經死經母董即叔克感殺之以克煥嗣十月啓聖
疏薦萬正色為陸路提督施琅為水路提督圖大舉
琅治兵平海二十二年癸亥六月 官軍發銅山窺
澎湖國軒帥兵屯風櫃嶼牛心灣以待琅令藍理曾
誠吳啓爵張勝許英阮欽為趙邦試等以七船突入
縱火焚舟國軒分兩翼合擊琅自將突圍赴援互有
殺傷明日 大兵取虎嶼并彭水故賊及 王師雲
集泉水忽甘衆志益奮琅乃分兵為八隊每隊七船
各三其疊琅居中餘以屬諸將國軒發火矢噴筒烟
焰蔽天 我軍裹創力戰無生志陣斬偽將林陞立

輝江勝陳啓明吳潛王隆等國軒兵士死者萬餘人
焚大小戰艦二百餘艘國軒大潰從吼門佚出彭湖
破國軒入臺與馮錫範何佑丘磊等奉克塽決計來
降七月遣劉國昌馮錫珪等齎延平王金印一拓討
大將軍金印一公侯伯將軍銀印凡五籍土池府庫
軍實詣軍門降八月琅至鹿耳門國軒使人除道迎
八克塽嗣立凡二年時年十五自成功迄塽凡三世
三十八年僭偽悉平克塽至京師授漢軍公錫範漢
軍伯國軒天津總兵何佑梧州副將設府一曰臺灣
縣三曰臺灣曰鳳山曰新羅二十九年庚辰 上特

命成功及子經之喪歸葬南安寧靜王術桂者遼王
後渡海依成功 湖旣破術桂以王印授克塽遂授
縲死妻袁氏王氏秀姑梅姐荷姐從縊于堂越十日
藁葬於鳳山縣長治里

禱亂

順治二年乙酉金聲桓八南昌南九款附德化李會
初傾家起兵眼山建破德安瑞昌時民情初附惶惑
驚恐無敢言討會初者未幾會初所部王拐子私款
於我守潯將余世忠因襲眼山會初死之同死者生
員李映陽武生唐彥鄧士鳳熊九昇宗麻子

順治二年乙酉七月德安郭賢操起兵克德安遂破
建昌所部高長子私款於我執賢操以獻時方議撫
釋勿殺三年丙戌四月賢操集衆圖再舉我師
偵得環其廬而焚之獨賢操跳逸去五年戊子金王叛

賢操復投袂起為我潯師所執殺之子七次良錫與從子良銜攻建昌中流矢死三良鐸從烏兵營戰死同起兵死者德安諸生桂登魁胡戎登魁妾胡氏從死

順治二年乙酉右副都御史新昌陳恭來捐貲募眾遣所部李凌虹提兵復萬載殺我所置令杜章卿連破新昌十二月令子正儀正儼往他省而自帥師東下金聲桓使署驛傳道戴國士招恭來而以大軍隨其後國士八兒恭來甫出大兵已壓壘陣矣恭來不及備兵遂敗恭來死黃氏祠中國士與恭來姻

也故聲桓使之給恭來而使之不疑同起兵死者瑞州劉詒新謚廷椿胡親民

順治二年乙酉我兵下瀘溪以李光署縣事邑貢生魏一柱稔先送鄭彩所劄之與張載述畫策守瀘敗我師於密潭四年丁亥王得仁下令族瀘之丁傳魏三族一柱遂棄妻子走閩襲破將樂聯結永西德化興安諸藩攻克建寧王師至圍而攻之五月始破一柱與諸藩俱死之惟興安先事出不與順治二年乙酉南昌舉人沈水知縣胡海定與海州董德興起兵金川十月王師取婺源金川兵絕我

糧道 王師退復攻婺源八之殺我所置官吏 王師襲海川諸營定被執論殺首既 而不仆同死者 為揭新

順治二年乙酉起兵龍泉者為天啓進士劉士楨八 泰和廬陵三年丙戌吉安復陷士楨遣四子肇履八 閩求援而令季子釋升從李陳玉起兵信豐為贛聲 援贛破避於黃田五年戊子金玉叛士楨復令肇履 募兵從劉一鵬圍贛州而令釋升趨南雄金玉敗歸 匿龍泉郡守索之急乃絕粒死釋升後戰死長橋舖 順治二年乙酉南都陷江此總兵黃斌卿遁歸唐王

僭立斌卿上恢勸事宜力陳舟山為海外巨鎮此可 窺長江南可取吳越唐王善之封斌卿肅鹵伯令屯 兵舟山斌卿於是立制度籍民田田皆入官民十五 以上者籍為兵聚糧造船為竊據計三年丙戌六月 魯王敗失浙東平夷將軍定西侯張名振護王出海 授斌卿斌卿不納靖夷侯王之仁走舟山斌卿擊殺 之盡并其衆之仁部將張國柱來爭復為斌卿所敗 又劫義師將軍胡來貢船襲殺監軍御史荆本徹四 年丁亥有兩王子浮海來至斌卿沈之外洋而奪其 貲六月忠威伯賀召堯來歸殺其全家奪其船五十

號是時斌卿勢張甚有標將王大振者斌卿取索無
厭足乃逃去與鄭彩張名振阮進等共斫斌卿逆跡
於魯王王命諸鎮會討斌卿將佐皆逃阮進手斫斌
卿破其腦而沈之海

吳王進士吳易初為史可法監軍揚州蘇州相繼
易聚眾走太湖與同邑舉人孫兆奎諸生沈自炯自
炯武進吳福之等結營長 馮朱涇四保匯則有諸
生周毓祥周謙等出沒房近州縣以助餉為名富家
大室率遭 劫黠者或 以免禍 我兵搜勦則
彼出此入此出彼入間或相遇互有殺傷四五年間

湖路梗塞是亦江南一大劫也 順治二年乙酉十
二月八日諜報賊在泖西地方發兵出勦賊遁去
官兵至上澤鎮張肆淫掠搃鎮聞梟示十數人令搜
各船所掠婦給邊本夫兵士畏法遂以所掠之 沈
之江中三年丙戌正月忽傳白黨破城城中男婦悉
走避明日搜捉逃民駕船以緝賊五月五日賊聚四
保匯泛蒲酣飲 大兵掩至殺數百人獲其魁羅騰
蛟五月六日白黨張飛遠襲破金山衛張故諸生兄
弟俱負膂力與吳易合營襲衛城協鎮出戰飛遠遂
遁去先是飛遠約城中助已者悉墨其鼻飛遠既遁

城中之通張者鼻尚黑也協鎮悉殺之七月獲周毓
祥送南京殺之周謙來降未幾復吳易殺之杭州八
月白黨悉來降提督吳兆勝人給一免死牌其頭目
悉於原官加銜一級於是乞兒賤隸曾入白黨者悉
有叅游之號

順治二年乙酉六月三日吳淞副提兵吳志葵帥舟
師入申浦直抵米市塘駐泊旂號四會私人望之以
為義旅也及至惟以令箭提某富室索銀若干某富
室索米若干張兵大掠所至一空遂逐我朝所置
守令公署獄舖盡毀於是松城有民而無官既移泊

黃天蕩窺之閘門令叅將魯之璣以五百人攻之
魯歿於陣全軍殲焉志葵氣沮退師泖中已而廣摠
督沈猶龍據松江而陳子龍徐孚遠等亦起兵太湖
中軍踴振武然其志葵俱泊城外不與城守城破亦
不能救也王師取松江志葵將航海以遁移師申
浦抵得勝港我師以小舟薄之掩其不意領吏火
器齊發烟焰蔽天軍遂大潰志葵被執乞降不許殺
之浦中積尸如丘焉子龍後死吳兆勝之亂

廬陵王諒妻劉淑英父鐸楊州太守死璫難淑英年
十八而寡常割股以療姑疾甲申國變自夫報國

集家僮百人捐貲召募成一旅 順治三年丙戌楚將張先璧駐永新淑英領所部赴焉張奇其才欲娶之淑英不可張因分遣其部衆淑英忿恨卒

順治三年丙戌 大兵取廣州四年丁亥三月兵科給事中陳邦彥及 會王與潮陽賴其肖先後舉兵說甘竹灘積盜余龍圍廣州而已發高明兵從海道入珠江與龍會時 大兵在桂林聞亂遽救聲言取甘竹灘龍軍素無紀律遂退邦彥亦却歸四月遣門人馬應芳會龍軍取順德應芳敗赴水死龍再戰於黃連江敗沒初廣州之圍我巡撫佟養甲復降者知

謀出邦彥襲其家執妾何氏及子和尹虞尹以招邦彥邦彥不從養甲壯之仍善待其妾及子後郡紳李皇一舉人杜璜起兵攻肇慶乃殺之璜等亦敗死八月東閣大學士陳子壯亦起兵九江邨兵多蛋戶番鬼善戰九月邦彥密約子壯復取廣州水陸并進且約原廣州衛指揮楊可觀為內應子壯先二日至城中不敢應又張檄者為我所獲事以不果可觀被殺時成棟攻張家玉於新安邦彥因與子壯謀曰成棟聞警必急邊我休兵禺珠洲側而公以大艦逼其西可以得志望青旂而朱旂者我軍也成棟遂至禺珠

洲側邦彥以火舟衝之焚其數舟成棟引而西會日暮子壯不能辦旗幟疑皆敵舟也陣遂動大兵擊之遂潰子壯長子上庸戰歿會故御史麥而炫破高明迎子壯子壯奔高明邦彥奔三水未幾清遠指揮以迎邦彥邦彥入清遠與諸生朱學熙同城守數日城破邦彥率兵巷戰有受三刃遂被執繫獄五日殺之學熙自縊於朱氏園未幾破高明子壯所署知縣朱實蓮戰死子壯而炫執至廣州論殺子壯母自縊

順治四年丁亥故廣信巡撫張家玉與舉人韓如璜

結鄉兵東莞入之籍前尚書李覺斯家以搗士甫二日大兵至家王敗走西鄉如璜戰沒家玉祖母陳母黎妹石實俱赴井死妻彭被執不辱死西鄉大豪陳文豹奉家玉取新安復入東莞未數日大兵復來攻家玉敗走鐵岡沿途集眾復得數千人遂入龍門博羅連平長寧攻惠州克歸善邊屯博羅大兵至走龍門募兵復得萬人分龍虎犀象四營拔營成而據之大兵來攻分其軍為三倚谿崖以自固大戰十日乃敗諸將潰圍出家玉歎曰夫盡砲裂欲戰無具持傷卒斃欲戰無人因徧拜諸將赴野塘

以死初家玉之走鐵岡也覺斯盡發其先壘毀其家廟殲其鄉以復辱

樂平倪大顯與兄大恢大登俱以勇力聞乙酉饒州司理周損幣致之周敗歸黃道周黃敗從曹大鎬順治五年戊子王得仁大發兵屠樂平軍中聞顯勇爭取之以為奇功有僧長八尺餘下馬搏顯顯斫僧應手落已大兵悉集顯知不支遂自刎大恢大登被執論死

吉水王寵者初從劉同升起兵以所部不戢去已往來臨吉撫賴聞一日為我兵所獲寵即詭降夜半

起盡殺同伴即載其旗幟以下過新淦峽江令見旗幟以為本兵也出迎江泚寵擄起擒殺連破二縣遂遁已吉水鄒文昂與從侄敬起兵寵營大兵

至昂敬俱敗獲昂赴水死敬解省論殺寵悉書追勅王寵四字於旗大呼殺賊遂逸去既逸我兵始知

其即寵也明年金玉叛遍招王寵不得益寵八山死矣同時有安仁僧丹竹者益藩起兵所招三十六營之一也益藩敗從揭重熙襲撫州猝遇我將王得仁丹竹以步逐馬戰得仁面幾獲之聲桓兵過安仁聞丹竹病遣九騎縛之丹竹聞力疾起呼所部十餘

人先伏於隘偵知金騎在酒肆中丹竹單身入肆金騎見其為僧而不知其即丹竹也因問識丹竹乎竹應聲曰我即是遽拔刀殺二人七騎者上馬馳過伏獲其二前再過伏獲其三惟二旗得歸耳聲桓破廣信多鹵獲丹竹邀之先以木槥置水中因持長槥火箭逐之聲桓兵棄舟走盡得其所獲後率壯士邀貝勒零騎之八圍者大兵忽至馬蹶見殺

順治四年丁亥四月松江提督吳兆勝據城以叛先是三年丙戌六月李成棟調往福建兆勝移鎮松江有周謙者故從白黨來降者也稍知文墨兆勝暱焉

因通海寇黃斌卿令舉兵內向給事中陳龍舉人啟之軫生員張寬等皆與其謀斌卿約於四月十六日兵至而海舟非風不行連日止風大作舟不時至海防同知楊之易推官方重朗知其謀潛移書洪承疇言兆勝反狀承疇未之信即以其揭下兆勝兆勝大懼十五日夜將以令箭促之易重朗至殺之意明日黃兵必至也天既曙城外寂然副將唐天祥知事不濟即同都司高永義率兵入執兆勝按誅將校十七人二十四日大兵至松江執子龍於廣富林子龍乘間赴水死出其屍戮之子時陳方五歲亦論

殺殷之軫張寬逮至南京斬於市

孔徹元徹哲建昌人家素封有蔡觀光者其客也

順治五年戊子 王叛 王師圍之哲往援潰歿元

心勿 六年己丑七月訛傳瑞德七邑奉靖武

元聞大喜遂入城逐我所置令劉時俊已而各

邑寂然同黨執元以獻兵卒皆散而觀光心勿善也

七年庚寅將揭竿起南昌跡露走鄱陽為巡卒所獲

論死

順治五年戊子金聲桓據南昌以叛星子諸生吳江

起兵應之 王師再平江卅江叛南康為拒湖計結

壘開先寺已敗走都昌得蕩鎮張 彥標將黃才潰

兵二百人部勒之冀復舉已而黃

我執江來

獻論死

順治二年乙酉吏部尚書郭維經之子應銓應衡應

煜舉兵臨川與 我兵大小十餘戰頗有斬獲唐王

授應銓應衡兵部郎中應煜戶部主事維經視師贛

州應銓駐兵龍泉為贛犄角而聲勢不相應四年丁

亥 我兵攻龍泉應銓設伏敗之部將劉文煌引

我兵入城銓衡兄弟皆被執應銓投巖下不死劉一

鵬欲降之不順命扼吭以死應衡至 安

飲以

酒應衡碎飲具大罵鑿齒斲臂以死應煜見我按
學成唾而罵之抽腸死死尤酷

